



07217

通典卷第一百十七

唐 京 兆 杜 佑

君 臣 類 考

卷 七 十 七

禮 儀 類 考

禮七十七 開元禮纂類十二 吉九

皇帝皇太子視學

視學前一日所司灑掃學堂之內外尚舍設大次於學堂之後守宮設皇太子次於大次之東皆隨地之宜竝如常儀尚舍設御位學堂上北壁下當中南向監司設講榻於御座之西南向設執讀座於前楹閒當講榻北向尚舍又設皇太子座於御座東南西向設文官三品以上座於皇太子之南少退重行西面北上設武官三品以上座於講榻西南當文官重行東面北上設侍講座於執讀西北武官之前東面北上其執如意者一人立於侍講之南東面設論議座於講榻之前西階下典儀設版位皇太子於東階東南西面執經於西階西南東面文官三品以上於皇太子東南重行西面北上武官三品以上於執經西南侍講執讀執如意等於執經之後重行東面北上學生分於文武官之後皆重行北上設典儀位於東階之西贊者二人在南差退俱西面

出宮

前出宮三日本司宣攝內外各供其職其日應從駕文

武官依時刻集朝堂諸衛陳設仗衛侍中版奏外辦皇帝乘馬文武侍從竝如常行幸之儀駕將至祭酒帥監官學官學生等奉迎於路左學生青襟服駕至大次門外降入如常

視學

皇帝既入大次執經侍講執讀執如意等及學官各服公服典儀帥贊者先入就位謁者贊引引文武三品以上及執經以下學生等入就堂下位皇太子立於學堂門外之東西向如常侍中版奏外辦皇帝出大次升自北階卽御座南向坐侍臣及近侍量人從升典儀一人

通典

卷七十七

禮七十七

二

升就東階上西面立舍人引皇太子就位立

諸衛率庶子等量人

從入立於皇太子東南西向北上

奉禮曰再拜贊者承傳皇太子以下

在位者皆再拜侍中跪奏稱請敕皇太子及公王等升坐又侍中稱制曰可侍中詣東階上西面稱敕皇太子及公王等升殿上典儀承傳階下贊者又承傳皇太子以下應坐者皆再拜訖通事舍人引皇太子入羣官坐者各升座訖

其公服者脫履於階下及降納皆如常

執讀讀所講經執經

釋義訖遂行如意侍講者執如意就論議座以次論難

侍中跪奏禮畢羣官皆起通事舍人各降堂下位若有

敕賜會則侍中前承制降詣堂下宣敕及太官下食案

等竝如常儀皇帝降座還大次侍衛如常儀羣官以下會訖皆出執經以下改服常服

學生仍青襟服

車駕還宮

皇帝既還大次侍中量時刻版奏外辦皇帝出次文武官陪從還宮如來儀初駕出國子祭酒帥監官學官學生等奉辭於路左如常式

皇太子釋奠於孔宣父

國學釋奠仲春仲秋釋奠於齊太公廟竝附

齋戒

皇太子散齋三日於別殿致齋二日於正殿前致齋一日典設郎設皇太子幄座於正殿東序及室內俱西向

通典

卷第七

禮七十七

三

又張帷於前楹下

殿若無室張帷爲之

致齋之日質明諸衛率各

勒所部屯門列仗如常晝漏上水一刻左庶子版奏請

中嚴近仗就陳於閤外通事舍人引宮臣文武七品以

上綉褶陪位如式諸侍衛之官各服其器服諸侍臣竝

結佩俱詣閤奉迎左庶子版奏外辦上水三刻皇太子

服通天冠絳紗袍結佩以出侍衛如常皇太子卽座西

向坐侍臣夾侍如常一刻頃左庶子前跪奏稱左庶子

臣某言請降就齋室俛伏興還侍位皇太子降座入室

文武侍臣各還本司直衛者如常典謁引陪位者以次

出凡應享之官散齋三日致齋二日

散齋皆於正寢致齋一日於本司一

日於享所其無本
司者皆於享所
近侍之官應從升者及從享羣官監
官學官學生等各於本司及學館俱清齋一宿竝如別
儀國學及齊太公廟將享館司先申享日本司請下其
禮所司隨職供辦凡應享之官散齋三日致齋二日
如別儀無皇太子散齋以下儀

陳設

前享三日典設郎設皇太子便次於廟東西向又設便
次於學堂之後隨地之宜守宮設文武侍臣次各於便
次之後文左武右設諸次享官於齋坊之內從享之官
於廟東門之外隨地之宜國學設獻官以下次於
齋坊太公儀同國學前享

二日太樂令設軒懸之樂於廟庭東方西方磬簾起北

通典

卷第七

禮七十七

四

鐘簾次之北方磬簾起西鐘簾次之設三罇鐘於編懸
之間各依辰位樹路鼓於北懸之間道之左右植建鼓
於三隅置祝敵於懸內祝在左敵在右設歌鐘歌磬於
廟堂之上前楹間北向磬簾在西鐘簾在東其匏竹者
立於堂下階間重行北向相對爲首凡懸皆展
而懸之諸工人
各位於懸後右校掃除內外又爲瘞坎於院內堂之壬
地方深取足容物南出陞自設軒懸以下國
學太公儀竝同前享一日

奉禮設皇太子位於東陞東南南向國學設三獻位於
東門之內道北執

事則近南西向北上太公儀同國學又設望瘞位於廟堂東北當埋坎西

向望瘞與國學同設亞獻終獻位於皇太子東南執事

者各位於後俱重行西向北上國學無亞獻以下儀太公並同設御史

位於廟堂之下西南東向令史陪其後設奉禮位於樂

懸東北贊者二人在南差退俱西面又設奉禮贊者位

於埋坎東北南面東上設協律郎位於廟堂上前楹之

閒近西東向設太樂令位於北懸之閒北向自御史位以下與國

學同太公設從享官七品以上位國學則館官位太公儀設廟官位於

樂懸之東當執事西南向監官學官位於樂懸之西當

宮官東向國學則設學官位於懸西當館官東向太公廟設廟官位同設學生位於於

宮官監官學官之後俱重行北上國學學生位於學官館官後有觀者於南

門內道左右相對為首太公無學生設門外位為亞獻終獻位於東門之

通典卷第七十七禮七十七 五

外道南執事位於後每等異位俱北向西上國學設三獻門外位

如常儀太公儀與國學同監官學官位於獻官東南國學則館官學官位太公儀廟

位官從享宮官位於學官之東俱重行北面以西為上設

酒罇之位於廟堂之上先聖犧罇二象罇二山壘二在

前楹閒北向先師犧罇二象罇二山壘二在先聖酒罇

之東俱西上罇皆加勺簋有坫以置爵其先師之爵同置於一坫太公及雷侯同上洗設

於東階東南亞獻之洗又於東南俱北向壘水在洗東

篚在洗西南肆篚實以巾爵執罇壘篚罍者各位於罇壘篚

罍之後設幣篚二各於罇坫之所典設郎設皇太子座

於學堂之上東壁下西向監司設講榻於北壁下南向

又設執讀者座於前楹間當講榻北向守宮設太傅少

傅座於皇太子西北南面東上若有令詹事以下坐則設座於皇太子西南北

向東侍講者座於執讀西北執如意者一人三館學官立於侍講之西

非侍講者座於侍講者之西皆北面東上若有上臺三

品以上觀講者設座於侍講之北南面東上設論議座

於講榻之前近南北面設脫履席於西階之南東向掌

儀設版位宮官七品以上東階東南西向北上執經侍

講等於西階西南監官及學官非侍講者於侍講者之

後有上臺三品以上觀講者位於執經之北少退重行

皆東面北上學生分位於宮官學官之後皆重行北上

通典 卷第七

禮七十七

六

又設掌儀位於宮官西北贊者二人在南皆西向國學無設

皇太子座下至此儀晡後郊社令帥齋郎以罇坵壘洗篚罍入設

於位升堂者自東階謁者引祭酒司業詣廚視濯漑凡導引者每一曲一

三獻視濯漑贊引引御史詣廚省饌具司業以下每事訖各還齋

所享日未明十五刻太官令帥宰人以鸞刀割牲祝史

以豆取毛血置於饌所遂烹牲其牲用太牢二正座及先師首俎皆升右胖十

一體左邱明以下折分餘未明五刻郊社令帥其屬及

廟司各服其服升設先聖神座於堂上西楹間東向國

設神座於廟室內西楹闕東向太公儀拂神幄設先師神座於先聖神座東北

南向西上若前堂不容則又於堂外席皆以莞設神位

各於座首

國學儀其七十二弟子名已具歷代祀先儒篇太公儀無先聖神座以下至此

出宮

國學無此儀太公同

前出宮二日本司宣攝內外各供其職守宮設從享宮官次於東宮朝堂如常其日未明所司依鹵簿陳設於重明門外奉禮設從享宮官位於東宮朝堂如常文武宮臣七品以上依時刻俱集於次各服公服諸衛率各勒所部陳設如式左庶子版奏請中嚴典謁引宮臣各就位諸侍衛官各服其器服左庶子負璽如式俱詣閣奉迎僕進輅車於西閣外南向若須乘輦則聽臨時進止內率一人執刀立於車前北向中允一人在侍臣之前贊者二人在中允

通典

卷第七

禮七十七

七

之前左庶子版奏外辦僕奮衣而升正立執轡皇太子著具服遠遊冠乘輿以出左右侍衛如常儀內率前執轡皇太子升車僕立授綏左庶子以下夾侍如常儀中

允進當車前跪奏稱請發引俯伏興退復位

凡中允奏請皆當車

前跪奏稱具官臣某言訖俯伏興

車動中允與贊者夾引以出內率夾

車而趨出重明門至侍臣上馬所中允奏稱請車權停令侍臣上馬左庶子前承令退稱令曰諾中允退稱侍臣上馬贊者承傳文武侍臣皆上馬庶子以下夾侍於車前贊者在供奉官人內侍臣上馬畢中允奏稱請令車右升左庶子前承令退稱令曰諾中允退復位內率

升訖中允奏稱請發引退復位皇太子車動太傅乘車
訓導少傅乘車訓從出延喜門不鳴鼓吹從享官臣乘
馬陪從如常儀

饋享

享日未明三刻諸享官各服祭服諸陪祭之官皆公服
學生青襟服郊社令良醞令各帥其屬入實罇壘及幣
犧罇實以禮齊象罇實以盞齊山壘實以清酒齊加明
水酒加元酒各實於上罇其幣以白各長一丈八尺
太官令帥其屬實諸籩豆簋簠俎等未明二刻奉禮帥
贊者先入就位贊引引御史太祝及令史祝史與執罇
壘籠罇者入自東門當階閒重行北向西上立定奉禮

通典

卷七十七

禮七十七

八

曰再拜贊者承傳

凡奉禮有辭贊者皆承傳

御史以下皆再拜訖執

罇壘籠罇者各就位贊引引御史太祝詣東階升堂行

掃除於上令史祝史行掃除於下訖引降還齋所奉禮

以下次還齋所

國學掃除於下訖引就位調者引享官以下俱就門外位學生就門內位太公

儀無學生位餘同國學

皇太子將至謁者贊引引享官及從享學

官等俱就門外位學生皆入就門內位皇太子至廟門

外廻車南向內率降立於車右左庶子進當車前跪奏

稱左庶子臣某言請降車俯伏興還侍位皇太子降車

乘輿之便次侍衛如常郊社令以祝版進皇太子署訖

近臣奉出郊社令受各奠於坵

國學無皇太子將至以下至此儀太公並同

未明一刻謁者贊引引享官宮官就門外位奉禮帥贊者先入就位贊引引御史以下入就位

國學無謁者以下儀太公同

太常令帥工人二舞次入就位文舞入陳於懸內武舞

立於懸南道西

其升堂坐者皆脫屐於下降納如常

謁者引祭酒入就位立定奉禮曰再拜祭酒再拜訖謁者引祭酒詣東階升

堂行掃除於上降行樂懸於下訖引還本位初祭酒行

樂懸謁者贊引各引祭官及陪祭之官次入就位

國學則謁

者引司業太公儀引亞獻皇太子停便次半刻頃率更令於便次門

外東向左庶子版奏外辦皇太子出便次侍衛如常儀

率更令引皇太子至廟東門中允進笏皇太子執笏近

侍者從入如常儀皇太子至版位西向立

每立定率更令退立於左

率更令前啓再拜退復位皇太子再拜奉禮曰衆官再

拜衆官在位者及學生皆再拜

其先拜者不拜

率更令前啓有司謹具請行事退復位

國學初司業行掃除訖謁者贊引各引享官以下學官以上次

入就位立定奉禮曰衆官再拜衆官及學生皆再拜其

先拜者不拜謁者進祭酒之左白有司謹具請行事退

復位無停便次以下儀太公儀亞獻協律郎跪俯伏舉

麾凡取物者皆跪俯伏而取鼓柷奏永和之樂以姑洗

之均自後堂下接神作文舞之舞樂舞三成偃麾夏啟

樂止凡樂皆協律郎舉麾工鼓柷率更令前啓再拜退

復位皇太子再拜

國學無率更下至再拜太公儀並同

奉禮曰衆官再拜

通典

卷第七

禮七十七

九

在位者及學生皆再拜太祝各跪取幣於籩立於罇所率更令引皇太子永和之樂作皇太子每行皆作永和之樂國學引祭酒升東廟謁者引初獻官皇太子自東階升左庶子以下及左右侍衛量人從升以下皆皇太子升堂進先聖神座

前西向立樂止太祝以幣授庶左子左庶子奉幣北向

進皇太子搢笏受幣每受物搢笏奠登歌作肅和之樂

以南呂之均率更令引皇太子進西面跪奠於先聖神

座前俯伏興率更令引皇太子少退西向再拜訖率更

令引皇太子進先師首座前北向立又太祝以幣授左

庶子左庶子奉幣西向進皇太子受幣率更令引皇太

子進北向跪奠於先師首座俯伏興率更令引皇太子

少退北向再拜登歌止率更令引皇太子樂作皇太子

降自東階還版位西向立樂止初羣官拜訖各奉毛血

之豆立東門外於登歌止祝史奉毛血升自東階太祝

迎取於階上進奠於先聖及先師首座前太祝與祝史

退立於罇所初皇太子既奠幣太官令出帥進饌者奉

饌陳於東門之外初皇太子既至位樂止太官令引饌

入俎初入門奏雍和之樂自後酌獻皆饌至階樂止祝

史各進跪徹毛血之豆降自東階以出饌升太祝迎引

於階上各設於神座前籩豆蓋幕先徹乃升籩設訖太

籩既奠卻其蓋於下

官令以下降復位太祝還罇所率更令引皇太子詣壘
洗樂作皇太子至壘洗樂止左庶子跪取匱沃水又
左庶子跪取盤盥承水皇太子盥手中允跪取巾於匱
興進皇太子悅手訖中允受巾跪奠於匱遂取爵於匱
興進皇太子受爵左庶子酌壘水又左庶子奉盤皇太
子洗爵中允又授巾皆如初皇太子拭爵訖左庶子奠
盤匱中允綬巾奠於匱皆如常率更令引皇太子樂作
皇太子升白東階樂止詣先聖酒罇所執罇者舉罇左
庶子贊酌醴齊訖樂作率更令引皇太子進先聖神座
前西向跪奠爵俯伏興率更令引皇太子少退西向立

通典

卷第七

禮七十七

十一

樂止太祝持版進於神座之右北面跪讀祝文曰維某
年歲次月朔日子皇太子某

國學云開元神武皇帝謹
遣祭酒某封姓名下同太

公儀云謹遣
某官某封

敢昭告於先聖孔宣父惟夫子固天攸縱

誕降生知經緯禮樂闡揚文教餘烈遺風千載是仰俾
茲末學依仁游藝謹以制幣犧齊粢盛庶品祇奉舊章

式陳明薦以先師顏子等配座尚享訖興

太公祝云爰
定六韜載成

七德功業昭著生靈攸仰俾茲末
學克奉舊章謹以張曹侯等配

皇太子再拜初讀祝

文訖樂作太祝進跪奠版於神座興還罇所皇太子拜
訖樂止率更令引皇太子詣先師酒罇所執罇者舉罇
左庶子取爵於坫進皇太子受爵左庶子贊酌醴齊樂

作率更令引皇太子進先師首座前北向跪奠爵俯伏

興率更令引皇太子少退北向立樂止

皇太子既奠首座爵餘座皆齋

郎助奠引相次而畢其亞獻終獻齋郎助奠亦如之

太祝持版進於先師神座之

左西面跪讀祝文曰維某年歲次月朔日子皇太子某

敢昭告於先師顏子等七十二賢爰以仲春

仲秋

率遵故

實敬脩釋奠於先聖孔宣父惟子等或服膺聖教德冠

四科或光闡儒風貽範千載謹以制幣犧齊粢盛庶品

式陳明薦從祀配神尙享訖興

齊太公配座張雷侯等祝云惟子等宣揚武教

光贊韜鈴大濟生靈詒範千載云云

皇太子再拜初讀祝文訖樂作太祝

進跪奠版於神座興還罇所皇太子拜訖樂止率更令

通典

卷第七

禮七十七

三

引皇太子詣東序西向樂作太祝各以爵酌上罇福酒

合置一爵一太祝持爵授左庶子左庶子奉爵北向進

皇太子再拜受爵跪祭酒啐酒奠爵興太祝各帥齋郎

進俎太祝跪減先聖及先師首座前三牲胙肉

皆取前脚第二

胙骨加於俎又以籩豆取稷黍飯興以胙肉各共置一俎

上又以飯共置一籩太祝以飯籩授左庶子左庶子奉

飯北向進皇太子受以授左右太祝又以俎授左庶子

左庶子以次奉進皇太子每受以授左右訖皇太子跪

取爵遂飲卒爵左庶子進受爵以授太祝太祝受爵復

於坵皇太子俯伏興再拜樂止率更令引皇太子樂作

皇太子降自東階還版位西向立樂止文舞出鼓祝作舒和之樂出訖夏啟樂止武舞入鼓祝作舒和之樂立定夏啟樂止初皇太子將復位謁者引國子祭酒國學引司業國學下做此詣壘洗盥手洗爵訖謁者引祭酒升自太公儀引亞獻

東階詣先聖酒罇所執罇者舉幕祭酒酌盎齊訖武舞作謁者引祭酒進先聖神座前西向跪奠爵興謁者引祭酒少退西向再拜謁者引祭酒詣先師酒罇所取爵有坩執罇者舉幕祭酒酌盎齊謁者引祭酒進先師首座前北向跪奠爵興謁者引祭酒少退北向再拜訖謁者引祭酒詣東序西向立太祝各以爵酌壘福酒合置

通典

卷七十七

禮七十七

三

一爵一太祝持爵進祭酒之左北向立祭酒再拜受爵跪祭酒遂飲卒爵太祝進受爵復於坩祭酒興再拜謁者引祭酒降復位初祭酒獻將畢謁者引司業國學謁者引博

士下做此太公儀引終獻詣壘洗洗訖升酌盎齊終獻如亞獻之儀

訖謁者引司業降復位武舞止太祝等各進跪徹豆興還罇所徹者籩豆各一奉禮曰賜胙贊者唱衆官再拜

在位者及學生皆再拜已飲福永和之樂作率更令前

啓再拜退復位皇太子再拜國學無率更令至再拜太公儀同國學奉禮

曰衆官再拜在位者及學生皆再拜樂一成止率更令

前啓請就望瘞位率更令引皇太子就望瘞位西向立

國學調者引祭酒 奉禮帥贊者轉就瘞坎東北向初在

位者將拜太祝各執篚進神座前跪以篚取幣降自西

階詣瘞坎以幣置於坎訖奉禮曰可瘞坎東西廂各四

人實土半坎率更令前啓禮畢 國學太公儀進初獻之左白云 率更令

引皇太子出門還便次樂作 國學調者遂引祭酒出無率更下至樂作太公儀同

皇太子出門樂止中允進受笏侍衛如常儀 國學無皇太子出門

等儀太公儀同 謁者贊引各引亞獻以下以次出初白禮畢奉

禮帥贊者還本位贊引引御史太祝以下俱復執事位

立定奉禮曰再拜御史以下皆再拜訖贊引引出學生

以次出其祝版燔於齋坊

通典

卷第七

禮七十七

五

講學 國學儀無齊太公同

皇太子既入便次改服常服執經侍講執讀執如意等

及三館學官並服公服學生仍青襟服餘皆常服掌儀

帥贊者先入就位謁者各引羣官及學生等次入就位

左庶子版奏外辦皇太子垂輿出便次 若須乘馬臨侍時聽進止

衛如常儀至學堂後降輿升自北階卽座坐 左右得衛量人從升

太傅少傅 掌儀曰再拜贊者承傳羣官及學生等在位

者皆再拜 執經不拜 左庶子跪奏請令執經等升俯伏興又

左庶子稱令曰諾左庶子退降詣西階下立於執經等

之前北面宣令曰執經以下並升坐應坐者皆再拜 執經

不通事舍人引執經以下升各就座坐其升坐者皆脫履如式訖

執讀讀所講經執經釋義訖執如意者以如意授侍講

侍講與受進詣論議座北面問所疑執經為通之訖興

退以如意授執者退還本座執如意者以如意次授諸

侍講者皆如上儀總訖左庶子跪奏禮畢羣官皆起通

事舍人各引降復堂下位皇太子降座降自北階入學

堂後便次羣官以次出執經以下改服常服學生仍青襟服

還宮

皇太子既入便次左庶子版奏請解嚴將士不得輒離部伍皇太

子改服公服停便次一刻頃搃一鼓為一嚴有司轉仗

通典 卷宿七 禮七十七

五

衛於還塗如來儀二刻頃又搃二鼓為再嚴左庶子版

奏請中嚴國子祭酒以下學生以上竝出就學外道左

奉辭三刻頃又搃三鼓為三嚴僕進軺車於門外如常

左庶子版奏外辦皇太子乘輿出次學門外降輿乘車

侍衛如常左庶子奏請及車右升降侍臣上馬文武陪

從皆如來儀車動鼓吹振作如式至國子祭酒以下奉

辭處權停車國子祭酒以下皆再拜通事舍人承令宣

勞及拜皆如常車至城隅鼓吹止過廟鼓吹作至延喜

門鼓吹止入延喜門鐃吹作至重明門宮官文武俱下

馬皇太子乘車入太傅少傅還皇太子至殿門廻車南

向左庶子跪奏請降車俛伏興皇太子降車乘輿入侍
臣從至閤門左庶子版奏請解嚴將士還本所

皇太子束脩 國學束脩附

束帛一篋 五 酒一壺 二 脩一案 五

艇

其日平明皇太子服學生之服 學生青襟服國學儀並言學生下做此 至

學門外博士公服執事者引立於學堂東階下西面相

者引皇太子 國學贊禮者引學生下做此 立於門外之東西面 不自同於

賓 陳束帛壺酒脯案於皇太子之西面當門北向重行

西上將命者出立門西東向日敢請事皇太子少進曰

某方受業於先生敢請見將命者入告博士曰某也不

通典 登宿志 禮七十七 夫

德請皇太子無辱 若已封王則云請王無辱學生云請子無辱下做此 將命者出

告皇太子曰某不敢為儀敢固請將命者入告博士曰

請皇太子就位某敢見將命者出告皇太子曰某不敢

以視賓客請終賜見將命者入告博士曰某辭不得命

敢不從將命者出告執篋者以篋東面授皇太子皇太

子執篋博士降俟於東階下西面相者引皇太子執事

者奉壺酒脩案以從皇太子入門而左詣西階之南東

面奉酒脩者立於皇太子西南東面北上皇太子跪奠

篋再拜博士答再拜皇太子還避遂進跪取篋相者引


皇太子進博士前東面授幣奉壺酒脩案者從奠於博

士前博士受幣執事者取酒脩幣以東相者引皇太子
立於階閒近北面奉酒脩者出皇太子拜訖相者引
皇太子出

通典



卷第七



禮七十七

七

通典卷第一百十七

通典卷第一百十八

唐 京 兆 社 佑 君 卿 纂

禮七十八 開元禮纂類十三 吉十

皇帝巡狩告圓丘 告社廟及歸格禮並附

齋戒

將告有司卜日如別儀 攝事同 前一日皇帝齋於太極殿

如郊祀之儀凡應告之官清齋於告所 告社齋於社所 告廟齋於廟所

近侍之官應從升者及羣官客使等各於本司及公館

各清齋一宿諸衛令其屬晡後一刻各以其方器服守

衛墻門 社則社門 廟則廟門 與太樂工人俱清齋一宿

通典 卷宿天 禮七十八

陳設

前告三日尚舍直長施大次於外墻東門之內道北南

向 社則宮西門 廟則廟東門 尚舍奉御鋪御座衛尉 社則守宮 廟同社 設文

武侍臣次於大次之後文官在左武官在右俱南向設

告官及從駕羣官次各於常所設陳饌幔於內墻東門

之外道南北向 社無饌幔 廟同社 前二日太樂令設宮懸之樂

於壇南 社則於壇 北廟於庭 設登歌及舉麾位於壇上 廟於殿上 竝如

常儀 社自此則右校清掃內外 為陸坎二於樂懸北如常 前一日右校掃除壇之

內外郊社令積柴於燎壇方一丈二尺開上南出戶高

四尺 社無燎壇 廟同社 奉禮設御位於壇之東南西向 將告奉禮即一

人守之在版位西南五步所西向社設御位於北門之內當社壇南向廟於東階東南西向設望燎

位當柴壇之北南向設告官及從駕羣官版位於內外

如常儀郊社令廟太廟令帥府史一人社二及齋郎以罇拈

壘洗篚罍及玉幣之篚入設於位竝如常儀廟酒罇位於堂上前

楹間各於室外之左北向每室春夏雞彝一鳥彝一犧

罇二秋冬罍彝一黃彝一著罇二皆加勺幕俱西上各

有拈以執罇壘篚罍者各位於罇壘篚罍之後告日未

明十五刻太史令郊社令設昊天上帝神座於壇上北

方南向席以稟秸設神位於座首廟太廟令整拂神幄又帥府史齋郎以罇

拈壘洗篚罍入設於位告日未明十刻太官令帥宰人以鸞刀烹

牲於廚社告日未明十五刻太官令帥宰人烹牲於廚牲用黑牛二齋郎以豆取牲血如常未明四刻

通典 卷宿天 禮七十八 二

太史令郊社令各服其服升設神座席位如常廟每室各一犢

鑿駕出宮社廟同

皇帝服袞冕之服乘玉輅備大駕及嚴鼓時奏請進發

內外器服皆如常儀

親告告社則薦玉帛及進熟告廟則晨裸及饋食

其日未明三刻諸告官各服其服郊社令良醢令各帥

其屬入實罇壘玉幣太廟實以汎齊凡罇皆二其元酒各實於上罇禮神之玉以蒼璧其

幣以蒼社太壘實以醴齊配座以象罇實亦如之明水

實於上罇玉兩柱有邸太祝各以幣置於篚幣隨牲色

各長丈八尺晨裸雞彝罍彝犧罇著罇之上實以太官

明水鳥彝黃彝實以鬱鬯犧罇著罇實以醴齊

令帥進饌者實籩豆簋簠入設於內壝東門外饌幔內

社於未明二刻奉禮帥贊者先入就位贊引引御史太

祝以下入行掃除如常儀訖各引就位廟又未明一刻贊引引太廟令

太祝宮闈令入當階闈北面西上立定奉禮曰再拜贊

者承傳太廟令以下皆再拜升東階入開坎室奉出獻

祖以下九室神主各置於座訖各就位駕將至謁者贊引各引告官以下

及從告羣官客使先置者俱就門外位駕至大次門外

廻輅南向領千牛將軍降立於輅右侍中進當鑾駕前

跪奏稱侍中臣某言請降輅俯伏興還侍位皇帝降輅

之大次協律郎太樂令帥工人各入就位凡升壇坐者皆脫屣於下

降納如常社降輅之大次郊社令以祝版進署如常儀

謁者贊引各引從駕羣官俱就門外位奉禮帥贊者先

入就位贊引引御史及諸太祝與執罇壘籥者入就

位太樂令帥工人各入就位通事舍人各引告官及從

通典卷宿文禮七十八三

告羣官客使次入就位升壇者脫屣如上儀太廟皇帝

令以祝版進署通事舍人引從駕羣官就門外位皇帝

停大次半刻頃謁者贊引引從駕羣官入就位太常博

士引太常卿立於大次門外當門北向侍中版奏外辦

皇帝服大裘而冕出次華蓋侍衛如常儀侍中負寶陪從如常社停

大次太常博士引太常卿立於大次門外當門北向博

侍中版奏外辦皇帝出次華蓋侍衛如常告廟同

士引太常卿太常卿引皇帝凡太常卿前導至內壝門

外社社宮北門

外廟廟門外殿中監進鎮珪華蓋仗衛停於門外近

侍者從入如常謁者引禮部尚書太常少卿陪從如常

社無謁者引下皇帝至版位西向立每立定太常卿博

至如常廟同社士退立於左告社儀皇帝通事舍人各引從告官及諸王介公鄴公諸方

客使以次入就位立定

社無通事舍人各引下至此廟同社

太常卿前奏

稱請再拜退復位皇帝再拜奉禮曰眾官再拜贊者承

傳凡奉禮有辭贊者皆承傳

眾官在位者皆再拜

其先拜者不拜

太常卿前

奏有司謹具請行事退復位協律郎跪俛伏興舉麾

凡物者皆跪伏而取以興

鼓祝奏元和之樂乃以圓鍾之

凡樂皆協律郎舉

均作文舞之舞六成偃麾戛敔樂止

凡樂皆協律郎舉

偃麾戛敔而後止祀奏順和之樂以函鍾之均樂八成

廟奏永和之樂以黃鍾之均樂九成黃鍾三奏大呂太

各再奏

太常卿前奏稱請再拜退復位皇帝再拜奉禮

曰眾官再拜眾官皆再拜

廟則晨裸太常卿引皇帝詣

跪取匣興沃水侍中跪取盤興承水皇帝稽顙

黃門侍郎跪取巾於篚興進皇帝頓手訖黃門侍郎受

通典

卷宿天

禮七十八

四

巾跪奠於篚黃門侍郎又取瓚於篚興進皇帝受瓚侍

中酌壘水又侍中奉盤皇帝洗瓚黃門侍郎受巾奠於篚皆

初皇帝拭瓚訖侍中奠盤匣黃門侍郎受巾奠於篚皆

如太常卿引皇帝樂作升階樂止侍中以下量人從

升太常卿引皇帝詣獻祖罇罇所執罇者舉罇侍中贊

酌鬱酒訖登歌作肅和之樂以圓鍾之均自後登歌皆

歌圓鍾太常卿初引皇帝入詣獻祖神座前北向跪以

鬯裸地奠之俯伏興太常卿引皇帝出戶北向再拜訖

於坵進皇帝受瓚侍中贊酌鬱酒訖太常卿引皇帝入

詣懿祖神座前北向跪以鬯裸地奠之俯伏興太常卿

引皇帝出戶北向再拜訖

太常卿引皇帝次裸太祖次

止諸太祝俱取玉幣於篚各立於罇所

廟無太祝取玉帛至罇所太

常卿引皇帝太和之樂作

皇帝每行皆作太和之樂

皇帝詣壇升自

南陛

社升北陛以下近侍者從升如常儀皇帝升壇北

向立社南向立樂止太祝加玉於幣以授侍中侍中奉玉幣

東向進社西向進皇帝受玉帛登歌作肅和之樂太常卿引

皇帝進北向社南跪奠於天帝神座社太俛伏興太常

卿引皇帝少退北向社南再拜訖登歌止樂作社又太常卿引

皇帝立於東方西向太祝以幣授侍中侍中奉幣南面

進皇帝進西向跪奠於后士氏座興太常卿引少退再

拜訖登歌止皇帝降自北陛樂作太常卿引皇帝

詣太稷壇升奠玉幣於太稷氏升降如太社壇 皇帝

降自南陛還版位西向立樂止初羣官拜訖謁者引司

徒太官令出帥進饌者奉饌陳於內壇東門之外司徒

奉天帝之俎皇帝既至位樂止太官令引饌入俎初入

門雍和之樂作饌至階樂止饌升於南陛太祝迎引於

壇上各設於神座前籩豆蓋簠設訖謁者引司徒以下

降自東陛復位諸太祝各還罇所社儀皇帝奠玉帛訖

篇皇帝既升奠玉幣太官令出帥進饌者奉饌陳於西

門外司徒奉太社之俎初皇帝既至位樂止太官令引

太社太稷之饌入自正門后土后稷之饌入自左門俎

初入門雍和之樂作饌至陛樂止太社太稷之饌升自

北陛后土后稷之饌升自西陛諸祝迎引於壇上各設

於神座前廟儀於此有饋食篇皇帝既升祿太官令出

通典 卷第六

禮七十八

五

進於室戶外之右東面跪讀祝文祝文臨時撰讀訖與皇帝再拜初讀祝文訖樂作太祝入跪奠版於神座與出還罇所太常卿引皇帝詣懿祖罇彝所酌獻皆如初儀唯不盥洗訖太常卿引皇帝詣東序西向立樂止

太常卿引皇帝詣壘洗樂作皇帝至壘洗樂止侍中跪取匱興沃水又侍中跪取盤興承水皇帝盥手黃門侍

郎跪取巾於匱興進皇帝帨手訖受巾跪奠於匱遂取匱爵於匱興進皇帝受爵侍中酌壘又侍中奉盤皇帝

洗爵黃門侍郎又授巾皆如初皇帝拭爵訖侍中奠盤匱黃門侍郎受巾奠於匱皆如常太常卿引皇帝樂作

皇帝詣壇升自南陛社則升太社北陛樂止近侍者從升如常謁者引司徒升自東陛社升西陛立於罇所齋郎奉俎從升

通典

卷一百一十一

禮七十八

六

立於司徒之後太常卿引皇帝詣天帝社云太社下做此酒罇

所執罇者舉羃侍中贊酌汎齊社禮齊訖壽和之樂作皇帝

每酌獻及飲福酒皆作壽和之樂太常卿引皇帝進天帝神座前北向

跪社南奠爵俛伏興太常卿引皇帝少退北面向立樂止

太祝持版進於神座之右東面社西跪讀祝文祝文臨時撰社

同訖興皇帝再拜初讀祝文訖樂作太祝進奠版於神

座還罇所社皇帝拜訖樂止太常卿引皇帝詣后土氏

常卿引皇帝詣太稷壇社太常卿引皇帝進天帝神座前

北面向立樂作太祝以爵酌福酒合置一爵一太祝持爵

以授侍中侍中受爵西向進皇帝再拜受爵跪祭酒辟

酒奠爵俯伏興廟皇帝獻將畢謂者引司徒升自東階立於前楹間北面諸祝各酌福酒合置

一爵侍中贊諸太祝各帥齋郎進俎太祝減神前胙肉

祭啐如常儀加於俎興以胙肉共置一俎上授司徒司徒奉俎西向

進皇帝受以授左右廟祝帥齋郎減胙肉又以籩取黍稷飯肉共一籩先以飯授司徒司徒

授左右次受胙皇帝再拜跪取爵遂飲卒爵侍中進

受爵以授太祝太祝受爵復於坵皇帝俯伏興再拜樂

止太常卿引皇帝樂作皇帝降自南陛社降北陛太常卿引詣太稷行

事如太社社降北陛還版位西向立樂止謂者引司徒降復

位太祝各進徹豆還罇所徹者籩豆各一少移於故處廟司徒復位登歌作諸祝入

室徹豆登歌止奉禮曰賜胙贊者唱衆官再拜在位者皆再拜

通典卷第七十八禮七十八七

樂作太常卿前奏稱再拜退復位皇帝再拜衆官皆再

拜樂一成止太常卿前奏請就望燎位社則望燎下做此太常

卿引皇帝樂作皇帝至望燎位社則就望燎位南向立樂止於

羣官將拜諸太祝各以筐進神座前取玉帛祝版齋郎

以俎載牲體黍稷飯爵酒興各自其陛降壇南行當柴

壇南東行自南陛登柴壇以玉帛饌物置於柴上訖奉

禮曰可燎東西面各四人以炬燎火半柴社則降壇南當壘坎西行

諸祝以玉帛饌物置於坎奉禮廟無曰可壘坎東西面各四人奠土太常卿前奏禮畢望燎

儀太常卿引皇帝出內壻門社出宮門殿中監前受鎮

珪華蓋侍衛如常儀皇帝入次樂止謂者贊引引各從

告官及從駕羣臣諸方客使以次出贊引御史以下俱復執事位立定奉禮曰再拜御史以下皆再拜贊引引出工人以下以次出社廟祝版燔於齋所

鑾駕還宮 社廟同

皇帝既還大次侍中版奏請解嚴將士不得輒離部伍皇帝改服

通天冠絳紗袍乘金輅鼓吹振作奏請還宮如常儀

巡狩告圓丘有司攝事 告社廟附

將告有司卜日如別儀社廟同前二日守宮設告官以下

次各於常所設陳饌幔於內壇東門之外道北南向社無

設陳饌幔 社廟同右校掃除壇之內外郊社令積柴於燎壇為

通典 卷第七十八 禮七十八 八

塵坎二於壇北如常社廟於北門內道西前一日諸告官清齋於告所社於

廟於諸衛令其屬晡後一刻各以其方器服守衛壇門

社則社宮門 奉禮設版位於內外竝如常儀廟又設望塵位於堂

之東北當塵坎西向又設奉禮位於塵坎東北社廟南向贊者二人在西少退太廟令整拂神幄 郊社令

帥其屬以罇沾壘洗筐幕入設皆如常儀執罇壘筐幕

者各位於罇壘筐幕之後太官令先具饌酒脯醢告日

未明四刻太史令郊社令各服其服升設神座位如常

廟無未明四刻以下儀 未明三刻諸告官各服其服郊社令廟則廟令

良醴之屬入實罇壘及玉幣天帝太罇二著罇二一實以明水為上一實以醴齊

次之山壘各二一實以元酒為上一實以清酒次之玉以蒼幣以蒼社正座太壘二一實明水為上一實醴齊

次之配座象罇二其實亦如之皆山壘二一實元酒爲
上一實清酒次之玉兩珪有邸幣以黑各一丈八尺廟
每室春夏用兩犧罇秋冬用兩著罇一實明水爲上一
實醴齊次之山壘二一實元酒爲上一實清酒次之幣
以白長一丈八尺太祝以玉帛置於筐設於饌所社無饌未明
二刻奉禮帥贊者先入就位贊引引御史太祝以下入

再拜行掃除如常儀訖各就位社一刻廟又贊引引太
廟令太祝宮闈令入當

階闈北面西上立定奉禮曰再拜贊者承傳太廟令以
下皆再拜升自東階入開坎室奉出獻祖以下九室神
主各置於座如儀訖各就位謁者引告官贊引引執事
者次入就位立定奉禮曰再拜告官以下再拜其先拜
者不拜謁者進告官之未明一刻社廟則謁者引告官
左白有司謹具請行事

廟又贊引以下俱就門外位立定又謁者引告官贊引
引執事者

引執事者次入就位立定社無謁奉禮曰再拜贊者承

傳凡奉禮有辭告官以下皆再拜謁者進告官之左白

有司謹具請行事退復位奉禮曰再拜在位者皆再拜

初謁者白請行事退復位太官令出帥進饌者奉饌陳

於東門之外社於初太官令出太祝跪取玉廟取於筐

與各立於罇所謁者引告官升自午陞北向立社升北

立太祝以玉東向授社西告官受玉進北面跪社南奠

於天帝神座俯伏興社奠少退北向再拜社謁者又引

壇如太謁者各還本位太祝還罇所廟謁者引告官升

堂戶前北向立太祝以幣東向授告官受幣北面跪奠

於獻祖神座前俯伏興出戶北向再拜訖謁者引告官

次還本位諸太祝各還罇所太官令引饌入升自午

陞太祝迎引於壇上設於神座前籩豆蓋寡徹之如設式社饌入如正儀

訖太官令以下降自東陞復位社西諸太祝各還罇所

謁者引告官詣壘洗盥手洗爵訖升自南陞詣天帝酒

罇所社告官詣太社壇升北陞執罇者舉寡告官酌醴齊謁者引告

官詣天帝神座前北向跪奠爵祝伏興社進太社前南向跪奠少

退北向立太祝持版進於神座之右東向跪讀祝文社

臨時撰社西向訖興告官再拜訖太祝進跪奠版於神座興還

罇所告官拜訖謁者引告官進天帝神座前北向立社

詣太社前南面立廟太官令引饌入自正門升自太階

諸太祝迎引於階上各設於神座前訖太官令以下降

復位諸太祝各還罇所謁者引告官詣壘洗盥手洗爵

訖升自東階詣獻祖酒罇所執罇者舉寡告官酌醴齊

訖謁者引告官入詣獻祖神座前北向跪奠俯伏興出

戶北向立太祝持版進於堂戶外之右東向跪讀祝文

訖興告官再拜太祝進跪奠版於神座俯伏興還罇所

告官拜訖謁者引告官以次奠如獻祖之儀唯不盥洗

訖謁者引告官社東序西向立太祝以爵酌壘福酒合置一爵一太祝

持爵進告官之右西向立社東向廟北向告官再拜受爵跪祭

酒遂飲卒爵太祝進受爵復於坵告官俛伏興再拜訖

謁者引告官降復位社告官拜訖別引詣太稷壇升獻如太社訖引降復位太祝

各進跪徹豆俯伏興還罇所奉禮曰再拜告官及在位

者皆再拜謁者進告官之左白請就望燎位社望壘位廟同社

謁者引告官就望燎位南向立廟西初衆官將拜太祝

以籩取玉幣及祝版置於柴上戶內壘則奠於坎社祝版焚於齋坊廟同

通典 卷六

禮七十八

十

社柴東西各四人以炬燎火半柴社則燧左右四人人寘土半坎謁者

進告官之左曰禮畢謁者引告官贊引引執事者以次

出御史以下俱復執事位立定奉禮曰再拜御史以下

皆再拜贊引引出太廟儀初白禮畢奉禮贊者還本位御史太史以下俱復執事位立定奉

禮曰再拜御史以下皆再拜贊引引出歸告禮同

太廟令太祝官聞令納神主如常儀

皇帝巡狩

鑿駕出宮

將巡狩所司承制先頒告於東方諸州曰皇帝二月東

巡狩各修平乃守考乃職事無敢不敬戒國有大刑駕

將發告圓丘宗廟社稷皆如別儀皇帝出宮大備鹵簿

通典卷福天禮七十八士

皆如常儀較於國門祭所過山川如親征之禮所經州

縣刺史縣令先待於境通事舍人承制問百年古先帝

王名臣烈士皆州縣致祭

燔柴告至

將告將作先於泰山下修圓壇四出若先有封禪祀陛天壇卽不須別

築築前告三日尙舍直長施大次於外壇東門之內又設

侍臣次陳饌位設宮懸樂燎壇之制一如圓前一日皇帝清齋文武

於行宮應告之官皆於告所清齋一日近侍之官應從

升者及從告羣官諸方客使皆於其所俱清齋一宿諸

衛令其屬晡後一刻各以其方器服守衛壇門與太樂

工人俱清齋一宿奉禮設御位於壇之東南西向設告
官司徒執事者御史奉禮贊者協律郎太樂令望燎位
東方諸州刺史縣令介公鄩公文武九品以上官諸方
客使蕃客等位竝如上辛圓丘儀其褻聖侯等亦如之設告官以

下門外位於東西壝門之外道南皆如設次之式郊社
令帥府史一人及齋郎以罇坩壘洗筐罍入設於位竝

如常儀執罇壘筐罍者各位於罇壘筐罍之後告日未

明十五刻太官令帥宰人烹牲於廚蒼牲一駢牲一未明四刻

太史令郊社令各服其服升設昊天上帝神座於壇上
北方南向席以橐秸設高祖神堯皇帝神座於東方西

通典卷第六禮七十八 三

向席以莞設神位各於座首未明三刻諸告官以下各

服其服郊社令良醢令各帥其屬入實罇壘及玉天帝太罇

二配帝著罇二俱實以汎齊其明水各奠於上罇玉以蒼璧幣一丈八尺太祝以玉帛置於

筐太官令帥進饌者實諸籩豆簠簋等皆設於饌幔內

未明二刻奉禮帥贊者先入就位贊引引御史太祝以

下入行掃除如常儀訖各就位皇帝服袞冕乘輅發行

宮奏請進發內外器服如常儀駕將至謁者贊引各引

告官通事舍人引從告羣官東方刺史縣令諸方客使

俱就門外位駕至大門外次廻輅南向其降輅之大次謁者引告官及

從告羣官入就位皇帝初皇帝既升奠玉幣太官令帥

奠玉帛等儀竝如圓丘

進饌者其奉饌奏樂之儀並如圓丘天帝之饌升自南陛配帝之饌升自東陛諸太祝迎

引於壇上各設於神座前設訖謁者引司徒以下降自

東陛復位諸太祝各還罇所太常卿引皇帝詣壘洗樂

作其盥洗酌獻奏樂讀祝之儀並如圓丘其祝文臨時撰訖興皇帝再拜初讀祝

文訖樂作太祝進奠版於神座還罇所其酌獻配帝奏樂讀祝之儀並

如圓丘皇帝拜訖樂止太常卿引皇帝進天帝神座前北

向立樂作太祝各以爵酌福酒其飲福受胙奏樂皇帝還版位之儀並如圓丘

謁者引司徒降復位太祝各進徹豆還罇所奉禮曰賜

胙其衆官受胙皇帝望燎及太祝燎牲體玉幣皇帝還大次禮官工人次出等儀並如圓丘

鑾駕還行宮

通典

卷第八

禮七十八

三

皇帝既還大次侍中版奏請解嚴將士不得輒離部位皇帝改服

通天冠絳紗袍乘輅奏請還宮如常儀

望秩於山川

柴之明日望秩祀於嶽鎮海濱山林川澤邱陵墳衍原

隰將祭所司先為壇於祭所其神皆以尊卑為敘重行

南向前三日守宮設祭官以下次於東壇之外道南北

向以西為上設陳饌幔於內壇東門之外道北南向前

二日太樂令設宮懸之樂於壇南設登歌於壇上皆如

常儀右校掃除壇內外又為瘞坎於壇北之壬地外壇

之內方深取足容物前一日諸祭官各清齋於祭所諸

衛令其屬晡後一刻各以其方器服守衛壇門與太樂
工人俱清齋一宿奉禮設祭官位於內壇東門之內道
北執事位於道南俱西向北上設御史位於壇下一位
於東南西向一位於西南東向令史各陪其後設奉禮
位於樂懸東北贊者二人在南差退俱西向協律郎位
於壇上在西陛之西東向設太樂令位於北懸之間設
望瘞位於瘞坎之東西向設祭官以下門外位於外壇
東門之外道南每等異位北向西上設酒罇之位嶽鎮
海瀆各山壘二山林川澤俱蜃罇二邱陵墳衍原隰俱
散罇二各於壇上南陛之東北向西上

其嶽壇上加山壘二壘置於山

通典 卷第八

禮七十八

七

罇東北向皆加勺簋設玉篚於罇坫之所設洗於壇南陛東南如
常執罇壘篚罍者各位於罇壘篚罍之後郊社令帥齋
即以罇坫壘洗篚罍人設於位祭日未明十五刻太官
令帥宰人以鸞刀割牲齋即以豆取牲血置於饌所遂
烹牲未明二刻太史令郊社令各服其服入設神座各
於壇上北方南向席皆以莞設神位各於座首未明一
刻祭官以下各服其服郊社令良醢令入實罇壘及玉
山壘實以醴齊蜃罇實以沈齊散罇及山壘皆實以清
酒齊加明水酒加元酒各實於上罇祭神之玉以兩珪
有太祝以幣置於篚太官令帥進饌者實諸籩豆簋簋
等奉禮帥贊者先入就位贊引引御史太祝與執罇壘

篚器者入自東門當壇南重行北向西上立定奉禮曰再拜贊者承傳御史以下皆再拜訖執罇壘篚器者各就位贊引引御史詣壇東陞升行掃除於上令史祝史行掃除於下訖引就位質明謁者引獻官贊引引執事者俱就東門外位太樂令帥工人次入就位謁者贊引各引獻官以下入就位立定奉禮曰再拜在位者皆再拜謁者進獻官之左白有司謹具請行事退復位協律郎跪俯伏興舉麾鼓祝奏順和之樂以饗賓之均自後壇下

之樂皆奏姑洗

樂三成偃麾夏啟樂止奉禮曰再拜獻官以下

通典

卷第六

禮七十八

五

升自南陞北向太祝以玉幣東向授獻官受登歌作肅和之樂以函鍾之均謁者引獻官進北面跪奠於嶽神之座俯伏興謁者引退北面再拜訖登歌止謁者引獻官降自南陞還本位初獻官升奠玉幣太官令帥進饌者奉饌陳於東門外登歌止太官令引饌入俎初入門雍和之樂作饌至陞樂止饌升南陞太祝迎引於壇上設於嶽神座前簋豆蓋簠徹之如式設訖太官令以下降自東陞以出太祝還罇所其鎮海以下之饌皆祝史迎於壇上設於神座前相次而畢訖謁者引獻官詣壘洗盥手洗爵訖謁者引升自南陞詣酒罇所執罇者舉器獻官酌

醴齊訖樂作謁者引詣嶽神座北向跪奠爵興謁者引獻官少退北向立樂止初獻官進奠爵祝史各以爵酌

奠鎮海以下還罇所太祝持版於神座之右東面跪讀

祝文祝文臨時撰訖興獻官再拜初讀祝文訖樂作太祝進

奠版於神座還罇所獻官拜訖樂止太祝酌壘福酒進

獻官之右西向立獻官再拜受爵跪祭酒啐酒奠爵興

太祝帥齋郎進俎太祝減神前三牲胙肉皆取前腳第二骨加

於俎西向授獻官受以授齋郎獻官跪取爵遂飲卒爵

太祝受爵復於坵獻官興再拜謁者引獻官降復位諸

祝各徹豆如常訖還罇所奉禮曰賜胙贊者唱再拜在

通典卷宿天禮七十八 六

位者皆再拜獻官不拜順和之樂作奉禮又曰再拜獻官以

下皆再拜樂一成止謁者進獻官之左白請就望瘞位

西向立於衆官將拜諸太祝各執篚進神座前跪取玉

幣齋郎以俎載毛血等各由其陞降壇詣瘞坎以物置

於坎訖奉禮曰可瘞坎東西各四人奠土半坎謁者進

獻官之左白禮畢遂引出贊引引執事者以次出又贊

引引御史太祝以下俱復執事位奉禮曰再拜御史以

下皆再拜訖出贊引引工人以次出其祝版燔於齋所

肆覲東后

望秩之明日肆覲東后於告至之前刺史縣令皆先奉

見如常將作先於行宮之南爲宮壇方三百步面一門爲壇於壇內三分壇二在南壇方九丈六尺高四尺四

出陛

南面兩陛餘三面各一陛

前二日太樂令設宮懸之樂於壇南

如殿庭之儀前一日尙舍鋪御座於壇上近北南向又設解劍席於南陛之西南守宮於門外量設百官次文東武西以北爲上東方刺史縣令次於文官之南蕃客次於武官之南所司陳輦輅於壇南如常典儀設羣官版位文官一品以下九品以上位於壇東南每等異位重行西面以北爲上武官一品以下九品以上位於壇西南當文官每等異位重行東面以北爲上東方刺史

典通

卷宿天

禮七十八

七

縣令於壇南三分庭一在南每等異位重行北面以西爲上若有蕃客則位於刺史之西每國異位重行北面以東爲上設典儀位於南陛之東贊者二人在南差退俱西向北上奉禮設門外位文官一品以下九品以上位於門東每等異位重行西面武官一品以下九品以上位於門西每等異位重行東面俱以北爲上設東方刺史縣令位於文官之南每等異位重行西面以北爲上蕃客位於武官之南每國異位重行東面以北爲上其日未明三刻諸衛各以其方器服量設牙旗於壇外四面未明一刻諸衛各勒所部列黃麾大仗屯門及鉦

戟陳於壇內如殿庭之儀羣官及刺史以下各集就次服其朝服蕃客集次各服其服侍中版奏請中嚴近仗陳於行宮門外諸侍衛之官各服其器服符寶郎奉寶俱詣行宮門外奉迎典儀帥贊者先入就位吏部兵部主客戶部贊羣官客使俱出次通事舍人各引就門外位刺史縣令俱執贊通事舍人引就門外位贊各以其土所有錦綺繪布葛越之屬俱五兩爲一束而執之仍飾以黃肥其餘當土常貢之物竝盛

以筐其屬執之列於縣令位後通事舍人引文武官一品以下九品以上先入就位侍中版奏外辦皇帝將出仗動太樂令令撞黃鍾之鐘右五鐘皆應協律郎舉麾

通典

卷宿天

禮七十八

六

工鼓祝奏太和之樂皇帝服袞冕乘輿以出曲直華蓋警蹕侍衛如常儀皇帝入自北壇門由北陛升壇卽御座樂止腰輿退其羽儀華蓋仍侍於御側通事舍人引東方刺史以下入就位鴻臚引蕃客次入就位初刺史入壇門懸下舉麾舒和之樂作至位立定樂止典儀曰再拜贊者承傳執贊者俱跪奠贊興在位者皆再拜訖跪取贊興凡拜奠贊皆如之侍中前承制降詣刺史東北西面立稱有制蕃客則舍人承旨宣赦刺史以下皆再拜宣制訖又再拜戶部引諸州貢物兩行各入於刺史位前東西陳之龜爲前列金次之丹漆絲纊四海九州美物重行量陳

於後訖執物者各退立於東西廂文武前側立通事舍人引刺史爲首者一人執贊詣解劍席跪解劍脫烏靴贊與舍人接引升壇詣御座前北面跪奏稱具官臣姓名等敢獻壤奠遂奠贊俯伏興又舍人跪舉以東授所司舍人引刺史降詣解劍席跪佩劍納烏輿通事舍人引復北面位初爲首者奠贊通事舍人引在庭者以次奠贊於位前訖各俯伏興引退復位訖刺史以下俱再拜戶部尙書進詣階闕北面跪奏稱戶部尙書臣某言諸州貢物請付所司俯伏興侍中前承詔退稱制曰可尙書退復位所司受贊其執貢物各進執物所司引退

通典

卷一百一十一

禮七十八

五

俱出東門初刺史將朝中書侍郎以諸州鎮表文別爲一案俟於西門外給事中以祥瑞案俟於東門外俱令史絳公服對舉案侍郎給事中俱就侍臣班初刺史將入門中書侍郎降引表案入詣西階下東面立給事中降引祥瑞案詣東階下西面立刺史將升奠中書令黃門侍郎俱降立於階下刺史執贊升階中書令黃門侍郎各執所奏之文以次升初戶部尙書奏退復位訖中書令前跪奏諸方表訖黃門侍郎又進跪奏祥瑞各還侍位侍郎與給事中引案退司儀曰再拜贊者承傳文武羣官刺史以下及諸國蕃客俱再拜訖通事舍人以

次引北面位者出就門外位侍中前奏稱侍中臣某言
禮畢俛伏興還侍位皇帝興太樂令令撞蕤賓之鐘左
五鐘皆應太和之樂作皇帝乘輿降自北陛警蹕侍衛
如來儀入行宮樂止通事舍人引東西面位者以次出
設會如正會之儀

考制度

朝覲之明日左右丞相以考制度事奏聞命太常卿采
詩陳之以觀百姓之風俗命市納賈以觀百姓之所好
惡命典禮者考時月定日同律觀禮樂制度衣服正之
山川神祇有不舉者爲不敬宗廟有不順者爲不孝不

通典

卷六十八

禮七十八

字

孝不敬者則長官黜以爵革制度衣服者爲叛叛者長
官有討有功德於百姓者加爵賞五月南巡狩至於南
嶽如東巡狩之禮八月西巡狩至於西嶽加南巡狩之
禮十有一月北巡狩至於北嶽如西巡狩之禮歸格於
宗禰用特如別禮若告封禪如別儀

通典卷第一百十九

唐 京 兆 杜 佑 君 卿 纂

禮七十九 開元禮纂類十四 吉十一

皇帝封祀泰山 禪社首山附

鑿駕進發 禪儀無此篇

皇帝將有事於泰山有司卜日如別儀告昊天上帝太

廟太社皆如巡狩之禮 告太廟高祖祝文加封祀配神
作主之意告獻宗祝文加禪祭

配神作
主之意 皇帝出宮備大駕鹵簿較於國門祭所過山川

古先帝王名臣烈士皆如巡狩之禮通事舍人承制問

百年所經州縣刺史縣令先待於境至泰山下柴告昊

通典 卷第七十九

天上帝於圓丘壇如巡狩告至之禮 有司攝事 前祀所司以

太牢祭於泰山神廟如常式

齋戒

前七日太尉戒誓百官 封云封於泰山禪云禪於社首山齋儀同封祀 皇帝散

齋於行宮後殿四日致齋於前殿三日服袞冕結佩等

竝如圓丘儀 百官如別儀

制度

將作大匠先領徒於泰山上立圓臺廣五丈高九尺土

色各依其方又於圓臺上起方壇廣一丈二尺高九尺

其臺壇四面各為一陛玉版長一尺三寸廣五寸厚五

寸刻牒爲字以金填之用金匱盛其玉牒文中書門下進取進止所司承旨請內鑄其名檢等竝如後制郊社令積柴爲燎壇於山上圓臺之東

南量地之宜柴高一丈二尺方一丈開上南出戶方六

尺又爲圓壇於山下三成十二陛如圓丘之制隨地之

宜壇上飾以元四面依方色壇外爲三壝郊社令又積

柴於壇南燎如山上之儀又爲玉冊皆以金繩連編玉

牒爲之每牒長一尺二寸廣一寸二分厚三分刻玉填

金爲字少府監量文多少爲之又爲玉匱一長一尺三寸并檢方

五寸當纏繩處刻爲五道當封竇處刻深二分方取容

受命寶印以藏正座玉冊制度如玉匱又爲黃金繩以

纏玉匱金匱又爲石礎以藏玉匱用方石再累各方五

尺厚一尺縱鑿石中廣深令容玉匱礎旁施檢處皆刻

深三寸三分潤一尺南北各二東西各三去隅皆七寸

纏繩處皆刻深三分潤一寸五分爲石檢十枚檢石礎

皆長三尺潤一尺厚七寸皆刻爲三道廣一寸五分深

四寸當封處大小取容寶印深二寸七分皆有石蓋

制與封刻處相應以檢擬封印其檢立於礎旁當刻處

又爲金繩三以纏石礎各五周徑三分爲石泥以封石

礎以石未和方色土爲其封玉匱金匱石礎同用受命寶竝所司量時先奏請出之爲距石十

二枚皆潤二尺厚一尺長一丈斜刻其首令與礎隅相

應分距礮四隅皆再累爲五色土圍封以封石礮上徑一丈二尺下徑三丈九尺禪禮制度將祭將先於社首山禪所爲禪祭壇如方丘之制八角三成每等高四尺上濶十六步設八陛上等陛廣八尺中等陛廣一丈下等陛廣一丈二尺爲三重壇量地之宜四面開門玉冊石礮玉匱金匱金泥檢距圍封立碑等竝如封祀之儀

陳設

前祀三日衛尉設文武侍臣次於山下封祀壇外壇東門之內道北皆文官在左武官在右俱南向設諸祀官次於東壇之外道南北向西上三師南壇之外道東諸王於三師之南俱西向北上文官從一品以下九品以上於祀官之東皇親五等以上諸親三等以上於文官

通典

卷第九

禮七十九

三

之東東方諸州刺史縣令又於文官之東俱北向西上介公鄴公於南壇之外道西東向諸州使人於介公鄴公之西東向諸方之客東方南方於諸王東南西向西方北方於介公鄴公西南東向皆以北爲上武官三品以下九品以上於西壇之外道南北向東上設諸饌幔各於內壇東門西門之外道北南向北門之外道東西向壇上及東方之饌陳於東門外南方及西方前祀二之饌陳於西門外北方之饌陳於北門外

日太樂令設宮懸之樂於山下封祀壇之南內壇之外

如圓丘儀右校掃除壇之內外禪儀祭前三日尙舍壇長施大次於外壇東門

內道北尙舍鋪御座守宮設文武官次於大次前東西相向諸祀官於東壇外文官九品以上於祀官東皇親

諸親又於其東蕃客又於其東介公鄴公於西壝外道南武官九品以上於介公鄴公西蕃客又於其西褻聖侯於三品文官下有諸州使分於文武官後設陳饌帳於內壝東西門外道北南向其壇上及東方饌陳於東門之外南方西方北方饌陳於西門外陳樂懸則樹靈鼓右枝掃除又爲瘞坎於壇王地前祀一日

奉禮郎設祀官公卿位於山下封祀壇內壝東門之外道南分獻之官於公卿之南執事者位於其後每等異位重行西向北上設御史位於壇上一位於東陞之南西向一位於西陞之南東向設奉禮位於樂懸東北贊者二人在南差退俱西向設協律郎位於壇南陞之西東向設太樂令位於北懸之間當壇北向設從祀之官位三師位於懸南道東諸王位於三師之東俱北面西

通典

卷一百一十九

禮七十九

四

上介公鄴公位於道西北面東上文官從一品以下九品以上於執事之南東方諸州刺史縣令又於文官之南每等異位重行西向俱以北爲上武官三品以下九品以上位於西方值文官皇親五等以上諸親三等以上於武官之南每等異位重行東向諸州使人位於內壝南門之外道西重行東面皆以北爲上設諸國客使位於內壝東門之外東方南方於諸王東南每國異位重行北向以西爲上西方北方於介公鄴公西南每國異位重行北面以東爲上其褻聖侯於文官三品之下

諸州使人各於文武官後

禮儀奉禮設御位壇東南設祀官位於內壝東門外道南

分獻官於祀官南執事者位於後設御史位二於壇東
南西向令史陪後設奉禮位於懸東北贊者二人在南
差退協律郎於壇上太樂令於北懸間並如常設望塵
位於壇東北從祭官於執事南皇親又於南諸州刺史
縣令又於南蕃客又於南介公鄜公於內壇西門外道
南武官於後蕃客於武官南設門外位於東西壇門外
道南皆如設牲榜於山下封祀壇之外當門西向蒼牲
設次之式

一居前座

正

又蒼牲一

座配

青牲一在北少退南上次赤牲

一次黃牲一次白牲一次元牲一

以上五方帝座

又青牲一

大明

又牲一

夜明也禪禮設牲榜東壇外如式正座黃牲一居前配座黃牲一在北少退神州黜牲一在南

少退設廩犧令位於牲西南令史陪其後俱北向設太祝
位於牲東各當牲後祝史陪其後俱西向設太常卿省
牲位於牲前近北又設御史位於太常卿之西俱南向

通典

卷九

禮七十九

五

設昊天上帝酒罇於圖臺之上下太罇二著罇二犧罇

二山壘二在壇上於東南隅北向象罇二壺罇二山壘

四在壇下於南陛之東北面西上設配帝著罇二犧罇

二象罇二山壘二在壇上皆於昊天上帝酒罇之東北

向西上其山下封祀壇設五帝日月俱太罇二在神座

之左其內官每陛間各象罇二在第二等中官每陛間

各壺罇二在第三等外官每陛間各槩罇二於內壇之

內眾星每道間各散罇二於內壇之外凡罇各設於神

座之左而右向

五帝日月以上之罇置於坊內官以下

儀設皇地祇太罇二著罇二犧罇二山壘二在壇上東
南隅北向象罇二壺罇二山壘四在壇下南陛之東北

向俱西上設配帝著罇二犧罇二象罇二山壘二在壇上正座罇東北向西上神州太罇二在第一等每方岳鎮海濱俱山罇二山林川澤各蜃罇二邱設壘洗各於陵以下各散罇二皆於壇下皆加勺幕

壇南陞東南亞獻之洗又於壇東南俱北向壘水在洗

東籩在洗西南肆籩實以巾爵設分獻壘洗籩罇各於其方

陞道之左俱西向執罇壘籩罇者各於罇壘籩罇之後

各設玉幣之筐於壇之上下罇坫之所祀日未明五刻

太史令郊社令各服其服升設昊天上帝神座於山圃

臺之上北方南向以三脊茅為神籍設高祖神堯皇帝

神座於東方西向席以莞神位皆於座首又太史令郊

社令設五方帝日月神座於山下封祀壇之上青帝於

通典卷宿元禮七十九 六

東陞之北赤帝於南陞之東黃帝於南陞之西白帝於

西陞之南黑帝於北陞之西大明於東陞之南夜明於

西陞之北席皆以橐稭設五星十二辰河漢及內官之

座於第二等十有二陞之間各依方面凡席皆內向其

內官中有北斗北辰位南陞之內差在行位前設二十

八宿及中官之座於第三等亦如之布外官席位於內

壇之內眾星席位於內壇之外各依方次席皆以莞設

神位各於座首禋禮神位皇地祇神座於壇上北方南

向席以橐稭獻宗大聖眞皇帝座於東方西面席以莞神州於第一等席以橐稭東南方岳鎮

以下於內壇內各於其方嵩岳以下於壇西南俱內向席皆所司陳其異寶及嘉瑞等於樂懸之東西廂禋禮無瑞

省牲器

省牲之日午後十刻去壇二百步所諸衛之屬禁斷行

人晡後二刻郊社令丞帥府史三人及齋郎以罇坵壘

洗筐罍人設於位

凡升壇者各由其陞

贊引引御史詣太祝七人

與祝史行掃除於下其五星以下羊豕所司各依令先

備如常儀竝如別儀

禋禮無五星以下羊豕餘同

鑿駕上山

禋無上山儀

前祀三日本司宣攝內外各供其職衛尉設祀官從祀

羣官五品以上便次於行宮朝堂如常儀前祀二日尙

通典

卷宿元

禮七十九

七

舍直長施大次於圓臺東門外道北又於山中道設止

息大次俱南向尙舍奉御鋪御座衛尉設從駕文武羣

官及諸方使應從升者於圓臺南門之外文東武西竝

如常儀郊社令設御洗於圓臺南陛之東北向壘水在

洗東筐在洗西南肆

設巾

其日奉禮設御位於圓臺南

當壇北向設羣官五品以上版位於御位之南文東武

西重行北向相對為首設東方諸州刺史縣令位於文

官之東諸州使人位於武官之後設蕃客位東方南方

於文官東南每國異位北面西上西方北方於武官西

南每國異位北面東上設御史位於圓臺東西如祀禮

設奉禮贊者位於羣官東北西面設執事位於東門之

內道南西面皆北上前祀一日未明七刻搥一鼓爲一

嚴三嚴時節祀前一日侍中奏裁未明五刻搥二鼓爲再嚴侍中版奏

請中嚴從祀官五品以上俱就次各服其服所司陳大

駕鹵簿未明二刻搥三鼓爲三嚴諸衛之屬各督其隊

與鉞戟以次陳於行宮門外謁者贊引引祀官通事舍

人分引從祀羣官諸侍臣結佩俱詣行宮門外奉迎侍

負寶如式乘黃令進輦於行宮門外南向侍中版奏請登山

皇帝服袞冕乘輦以出稱警蹕如常儀黃門侍郎進當

輦前跪奏稱黃門侍郎臣某言請鑾輿進發俛伏興退

通典

卷第九

禮七十九

八

復位鑾輿動又稱警蹕黃門侍郎侍中中書令以下夾

引以出千牛將軍夾輿而趨駕至侍臣上馬所黃門侍

郎奏請鑾輿權停放侍臣上馬侍中前承制退稱制曰

可黃門侍郎退稱侍臣上馬贊者承傳文武侍臣皆上

馬諸侍衛之官各督其屬左右翊鑾輿在黃麾內符寶

郎奉六寶與殿中監後部從在黃鉞內侍臣上馬畢黃

門侍郎奏請鑾輿進發退復位鑾駕動稱警蹕如常鼓

吹不鳴不得喧譁從祀官在元武隊後如常若復先置則聽臨時

節車輅鼓吹待於山下御史大夫刺史縣令前導如式

至中道止息大次前廻輦南向侍中奏請降輦如常皇

帝降輦之大次羣官皆隨便而舍停大次三刻頃侍中
奏請皇帝出次升輦進發如初駕至臺東門外大次前
廻輦南向侍中進當駕前跪奏稱侍中臣某言請降輅
俛伏興皇帝降輦之大次如常儀通事舍人承旨敕從
祀羣官退就門外位

禪儀鑿駕出行宮
如封泰山之儀

薦玉幣

祀日未明三刻諸祀官各服其服郊社令帥其屬以玉
幣及玉冊置於山上圓臺壇上坵所

禮神之玉蒼璧幣
以蒼配座之幣亦

如又以玉匱金匱金繩金泥盛於篚置於石礮之側良

醴令帥其屬各入實罇壘玉幣

凡六罇之次太罇為上
實以汎齊著罇次之實

通典 卷第七十九

九

以醴齊犧罇次之實以盎齊象罇次之實以醴齊壺罇
次之實以沈齊山罇為下實以三酒配帝著罇為上實
以汎齊犧罇次之實以醴齊象罇次之實以盎齊山罇
為下實以清酒其元酒各實於五齊之上罇禮神之玉
昊天上帝以蒼璧昊天上帝及配帝之幣以蒼禪祭太
日未明三刻以下實罇至饌幔內與夏至北郊同也

官令帥進饌者實諸籩豆簠簋各設於饌幔內未明二

刻奉禮帥贊者先入就位贊引引御史以下入行掃除

如常儀

禪禮自未明二刻下至掃除訖就位與夏至方
丘同駕將至謁者贊引各引祀官通事舍人分

引從祀羣官諸方客使俱就門外位自未明一刻謁者
鑿輿至大次以下至進熟與方丘同

贊引各引文武五品以上從祀之官皆就圓臺南立謁
者引司空入行掃除訖出復位侍中版奏外辦皇帝服

大裘而冕出次華蓋侍衛如常儀

侍中負寶博士引太
陪從如式

常卿太常卿引皇帝凡太常卿前導皆博士先引入自東門殿中監

進大珪尚衣奉御又以鎮珪授殿中監殿中監受進皇

帝皇帝搢大珪執鎮珪纁籍華蓋仗衛停於門外近侍

者從入如常謁者引禮部尚書太常少卿陪從如常大

如稽不便請先定近侍承奉之皇帝至版位北面立每立定太常卿與博士退立於左

謁者贊引各引祀官次入就位立定太常卿前奏請再

拜退復位皇帝再拜奉禮曰衆官再拜在位者皆再拜

太常卿前奏有司謹具請行事退復位正座配座太祝

取玉幣於篚各立於罇所太常卿引皇帝詣壇升自南

陛侍中中書令以下及左右侍衛量人從升以下皆皇

通典卷第七十九

帝升壇北向立太祝加玉於幣以授侍中侍中奉玉幣

東向進皇帝皇帝搢鎮珪受玉幣凡受物皆搢鎮珪奠

登歌作肅和之樂以太呂之均太常卿引皇帝進北面

跪奠於昊天上帝神座禪則皇地祇神座俛伏興太常卿引皇

帝立於西方東向又太祝以幣授侍中侍中奉幣北向

進皇帝受幣太常卿引皇帝進東面跪奠於高祖神堯

皇帝神座俛伏興太常卿引皇帝少退東向再拜訖登

歌止太常卿引皇帝樂作皇帝降自南陛還版位西向

立樂止太祝還罇所

山下封祀壇其曰自山下五步立人直至下壇

遞呼萬歲以為節

祀日未明三刻諸祀官各服其服郊社令帥其屬以五

帝及日月中官外官以下之玉幣各置於坫所五帝之玉以四

珪有邸日月以珪璧幣各依方色良醢令帥其屬各入實罇壘玉幣五帝

俱以太罇皆實以汎齊日月之罇實以醴齊其內官之

象罇實以醴齊中官之壺罇實以汎齊外官之槃罇實

以清酒衆星之散罇實以旨酒其元酒各實於五齊之

上罇禮神之玉青帝以青珪赤帝以赤璋黃帝以黃琮

白帝以鷗虞黑帝以元璫日月珪太官令帥進饌者實

諸籩豆簠簋各設於饌幔內未明二刻奉禮帥贊者先

入就位贊引引御史以下入行掃除如常儀未明一刻

謁者贊引各引祀官皆就位太樂令帥工人二舞次入

就位文舞人陳於懸內武舞立於懸南道西謁者引司

空入行掃除訖出復位於皇帝奠玉幣也封祀壇謁者

贊引各引祀官入就位立定奉禮曰衆官再拜在位者

皆再拜其先拜者不拜協律郎跪俯伏興舉麾鼓祝奏元和之

樂乃以圜鍾之宮黃鍾爲角太蔟爲徵姑洗爲羽圜鍾三奏

黃鍾太蔟姑洗各一奏之舞文舞之舞樂舞六成偃麾戛敔樂止奉

禮曰衆官再拜在位者皆再拜謁者七人各引獻官及

諸太祝奉玉幣各進奠於神座如常儀將進奠登歌作

肅和之樂以大呂之均餘星座幣亦如之進奠訖各還

本位初羣官拜訖夜明以上祝史各奉毛血之豆立於

門外登歌止祝史奉毛血各由其陞升壇以毛血各致

其座諸太祝俱迎受各奠於神座前諸太祝與祝史退立於罇所

進熟

皇帝既升奠玉幣太官令出帥進饌者奉饌各陳於內壝門外謁者引司徒出詣饌所司徒奉昊天上帝之俎初皇帝既至位樂止太官令引饌入俎初入門雍和之樂作以黃鍾之均自後接神之饌至陛樂止祝史俱進樂皆用雍和跪徹毛血之豆降自東陛以出昊天上帝之饌升自卯陛諸太祝迎引各設於神座前設訖謁者引司徒太官令帥進饌者降自東陛以出司徒復位諸太祝各還罇所

通典

卷一百九

禮七十九

三

太常卿引皇帝詣壘洗盥手洗爵等竝如圓丘儀太常卿引皇帝樂作皇帝詣壇升自南陛訖樂止謁者引司徒升自東陛立於罇所齋郎奉俎從升立於司徒之後太常卿引皇帝詣昊天上帝酒罇所執罇者舉罇侍中贊酌汎齊訖壽和之樂作皇帝每酌飲福皆作壽和之樂太常卿引皇帝進昊天上帝神座前北向跪奠爵俯伏興太常卿引皇帝少退北向立樂止太祝二人持玉冊進於神座之前右東面跪又太祝一人跪讀冊文訖俯伏興冊文竝中書門下撰進少府監刻文皇帝再拜初讀冊文訖樂作太祝進奠冊於神座還罇所皇帝再拜樂止太常卿引皇帝詣配座以下

至終獻光祿卿降復位竝如圓丘儀皇帝將升獻太官
令引饌入其山下封祀壇五帝日月以下之饌亦相次
而入俎初入門雍和之樂作以黃鍾之均饌至陞樂止

祝史俱進跪徹毛血之豆降自東陞以出

木帝之饌升自寅陞火帝

之饌升自己陞土帝之饌升自未陞金帝之饌升自酉陞水帝之饌升自子陞大明之饌升自辰陞夜明之饌升自戌陞其內官中官衆星

諸太祝迎引於壇上各設

於神座設訖謁者引司徒太官令帥進饌者俱降自東
陞以出司徒復位諸太祝各還罇所於山上太尉之亞
獻也封祀壇謁者七人分引五方帝及大明夜明等獻
官詣壘洗盥手洗匏爵訖各由其陞升俱酌汎齊訖各

通典

卷第七十九

禮七十九

三

引降還本位初第一等獻官將升謁者五人次引獻官
各詣壘洗訖各由其陞升詣第二等內官酒罇所俱酌
醴齊各進跪奠爵於內官首座興餘座皆祝史齋郎助
奠相次而畢謁者四人次引獻官俱詣壘洗盥洗各由
其陞升壇詣第三等中官酒罇所俱酌盎齊以獻贊引
四人次引獻官詣壘洗盥洗訖詣外官酒罇所俱酌醴
齊以獻贊引四人次引獻官詣壘洗盥洗詣衆星酒罇
所俱酌沈齊以獻其祝史齋郎酌酒助奠皆如內官之
儀訖謁者贊引各引獻官還本位武舞六成樂止舞獻
俱畢上下諸祝各進跪徹豆興還罇所奉禮曰賜胙贊

者唱衆官再拜在位者皆再拜元和之樂作奉禮曰衆官再拜在位者俱再拜樂作一成止

燔燎

終獻將畢侍中前跪奏曰請就望燎位太常卿引皇帝就望燎位太祝奉玉幣等就柴壇置於柴上戶內訖奉禮曰可燎東西面各六人以炬燎火半柴侍中前跪奏禮畢太常卿引皇帝出贊引引祀官以下皆出其山下封祝壇獻官獻畢奉禮曰請就望燎位諸獻官俱就望燎位諸太祝各取玉幣等就柴壇自南陛下置於柴上戶內訖奉禮曰可燎東西面各六人以炬燎火半柴訖

通典

卷百九

禮七十九

古

奉禮曰禮畢獻官以下皆出

禋儀皇帝既升奠玉幣下至跪奠爵俯伏與方丘

同太常卿引皇帝少退北向立樂止太祝二人持玉冊進於神座之右東向跪又太祝一人跪讀冊文訖俯伏與皇帝再拜祝文並中書門下進少府監刻初讀祝文訖至配座讀冊亦皆如之其拜奠並同方丘配座初讀冊訖至寘土半坎太常卿引皇帝還版位與方丘同

封玉冊 封檢附

燔燎畢

禋儀皇帝既就望燎位

侍中跪奏稱具官臣某言請封玉

冊太常卿引皇帝自南陛升壇北向立

近侍者從升如式少府監具金

繩金泥等並所用物立於御側符寶即奉受命寶立於侍中之側

謁者引太尉進昊天

上帝神座前

禋儀進皇地祇神座前

跪取玉冊置於案進皇帝受

玉冊跪壘之內於玉匱中纏以金繩封以金泥侍中取

受命寶跪以進皇帝取寶以印玉匱訖興侍中受寶以授符寶郎通事舍人引太尉進皇帝跪捧玉匱授太尉

太尉跪受皇帝再拜訖人次如常儀太尉奉玉匱之案

於石礎南向立執事者發石蓋太尉奉玉匱跪藏於

石礎內執事者覆石蓋檢以石檢纏以金繩封以石泥

訖太尉以玉寶徧印訖引降復位將作帥執事者以石

距封固又以五色土圍封後續令畢其功禪儀同配座玉

牒禪儀太尉又進獻宗大聖真封於金匱皆如封玉匱

之儀皇帝座跪取玉冊內金匱封於金匱皆如封玉匱

之儀封禪還以金匱內太廟藏於高祖神堯皇

通典卷第七十九

帝之右室如別儀太常卿前奏禮畢若有祥瑞則太史監跪奏

歲內外皆稱萬歲說又再拜太常卿引皇帝還大次樂作皇帝出東

門禮禮皇帝殿中監前受鎮珪以授尚衣奉御殿中監

又前受大珪華蓋侍衛如常儀皇帝入次樂止謁者贊

引各引祀官通事舍人分引從祀羣官以次出復位立

定奉禮曰再拜衆官在位者皆再拜訖贊引引出工人

二舞以次出禪禮祭訖以奇禽異獸合

鑾駕還行宮禪儀同

皇帝既還大次侍中版奏請解嚴將士不得轉仗衛於

還途如來儀二刻頃侍中版奏請中嚴皇帝服通天冠

絳紗袍諸祀官服朝服皇帝出次升輦降山下至圓壇
所權停乘黃令進玉輅太僕升執轡以下入宮竝如圓
丘儀

朝覲羣臣

禪祭訖行此禮

封之明日朝覲羣官及岳牧以下於朝覲壇如巡狩儀
皇帝服袞冕乘輿以出曲直華蓋警蹕侍衛入自北壇
門由北陛升壇卽御座符寶郎奉寶置於座扇開樂止
通事舍人引三品以上及岳牧以下入就位如常儀通
事舍人引上公一人舒和之樂作公至西陛就解劍席
樂止脫烏跪解劍置於席與相禮者與通事舍人引進
當御座前北面跪稱具官臣某等言天封肇建景福惟
新伏惟開元神武皇帝陛下萬歲無疆俛伏興通事舍
人引上公降壇詣解劍席跪帶劍納烏樂作通事舍人
引復位立定樂止典儀曰再拜贊者承傳上公以下皆
再拜侍中前承制降詣上公之東北西向稱有制上公
及羣官皆再拜訖宣云封禪之慶與公等同之上公及
羣官又再拜舞蹈三稱萬歲訖又再拜引退

考制度 如巡狩儀

通典

卷百九

禮七十九

六

唐 京 兆 杜 佑 君 卿 纂

禮八十 開元禮纂類十五 吉十二

時旱祈太廟

將祈有司卜日如別儀前二日守宮設祈官以下次各於常所右校掃除內外又為瘞坎於北門之內道西方深取足容物前一日諸祈官清齋於廟所諸衛令其屬晡後一刻各以其方器服守衛廟門奉禮設版位於內外竝如常儀設望瘞位於堂之東北當瘞坎西南又設奉禮位於瘞坎東北南向贊者二人在西少退太廟令

通典

卷一百二十

禮八十

一

拂拭神幄又帥其屬以罇坩壘洗籠罍制幣篚入設皆如常儀執罇壘篚罍者各位於罇壘篚罍之後太官令先饌酒脯醢告日未明三刻諸祈官以下各服其服太廟令良醢令之屬入實罇壘及幣每室春夏用兩儀罇秋冬用兩著罇一實明水為上一實醴齊次之山壘二一實元酒未明二刻為上一實清酒次之幣以白各長一丈八尺奉禮帥贊者先入就位贊引引御史博士太廟令宮闈令太祝以下入當階閒北面西上立定奉禮曰再拜贊者承傳凡奉禮有詞贊者皆承傳御史以下皆再拜訖升行掃除於上太廟令以下升自東階入開坎室奉出獻祖以下九室神主各置於座如常儀訖各引就位質明謁者引祈

官以下俱就門外位謁者引祈官贊引引執事者次入就位立定奉禮曰再拜祈官以下皆再拜謁者進祈官之左白有司謹具請行事退復位太官令出帥進饌陳於東門之外初太官令出諸太祝俱取幣於篚各立於樽所謁者引祈官升自東階詣獻祖廟室戶前北向太祝以幣東向授祈官受進幣北面跪奠於獻祖神座俯伏興出戶北向再拜訖謁者引祈官次進幣於懿祖以下諸室皆如上儀訖謁者引還本位諸太祝各還樽所太官令引饌入自正門升自太階諸太祝迎引於階上各設神座前訖太官令以下降復位諸太祝各還樽所謁者引祈官詣壘洗盥手洗爵訖升自東階詣獻祖酒樽所執樽者舉罍祈官酌醴齊訖謁者引祈官入詣獻祖神座前北向跪奠爵俯伏興出戶北向立太祝持版進於戶外之右東向跪讀祝文其文爲水旱癘疾蝗蟲及征伐四夷各臨時制之訖興祈官再拜太祝進跪奠版於神座前俛伏興還樽所謁者引祈官次詣懿祖以下諸室皆如獻祖之儀惟不盥洗訖謁者引祈官詣東序西向立諸太祝各以爵酌壘福酒合置一爵一太祝持爵進祈官之左北向立祈官再拜受爵跪祭酒遂飲卒爵太祝進受爵復於坵祈官俯伏興再拜訖謁者引祈官降復位諸太祝各入室

跪徹豆如式興還爵所奉禮曰再拜在位者皆再拜既
不拜福者奉禮曰再拜祈官以下皆再拜訖謁者進祈官之

左白請就望瘞位贊者轉就瘞坎東北位謁者引祈官

就望瘞位西向立於祈官將拜諸太祝各執籩進神座

前跪取幣興降自太階詣瘞坎以制幣置於坎訖奉禮

曰可瘞東西面各四人奠土半坎謁者進祈官之左白

禮畢奉禮贊者還本位御史太祝以下俱復執事位立

定奉禮曰再拜御史以下皆再拜贊引引出太廟令太

祝宮闈令納神主如常儀其祝版燔於齋坊若得所祈報祠用太

牢受胙與時享同餘與告禮同祭文臨時制撰

通典

卷宿字

禮八十

三

時早祈於太社

將祈有司卜日如別儀行事薦獻與巡狩告社稷禮並

同太社祝文曰維某年歲次月朔日子嗣天子某謹遣

具位姓名敢昭告於太社爰以農功久闕時雨惟神哀

此蒼生敷降靈液謹以清酌脯醢明薦於太社以后土

勾龍氏配神作主尚享太稷祝后土氏祝文曰嗣皇帝

某謹遣具位姓名敢昭告於后土氏餘同社后稷文同得雨報用

太牢盛幣血飲福受胙與正祭同餘與告禮同太社祝

文曰往以久闕時雨敢陳情誠惟神昭祐降茲嘉液率

土霑洽蒼生咸賴謹以玉帛清酌醴齊粢盛庶品明薦

於太社以后土句龍氏配神作主尚享太稷后土氏后

稷祝文並同每

配座無玉帛字

時旱祈嶽鎮以下於北郊

將祈有司筮日如別儀

就祈及祭同

前二日守宮設祈官以

下次於東壇之外道南北向以西爲上設陳饌幔於內

壇東門外道北南向右校掃除壇之內外又爲瘞坎於

壇之壬地方深取足容物前一日諸祈官清齋於祈所

諸衛令其屬晡後一刻各以其方器服守衛壇門俱清

齋一宿奉禮設祈官位於內壇東門之內道北執事位

於道南每等異位俱重行西面以北爲上設御史位於

壇下西南東向令史陪其後設奉禮位於祈官西南贊

者二人次之少退俱西向北上設望瘞位於壇之東北

通典

卷宿宇

禮八十

四

西向又設祈官門外位於東壇之外道南每等異位重

行北向以西爲上郊社令以酒罇入設於位嶽鎮海瀆

各山罇二山川各蜃罇二每方皆於神座之左俱右向

皆有坵以置爵

設壘洗筐罇各於其方皆道之左俱內向執罇

壘筐罇者位於罇筐之後其日未明二刻太史令郊社

令各服其服設嶽鎮海瀆及諸山川神座各於其方俱

內向席皆以莞設神位各於座首未明一刻諸祈官以

下各服其服郊社與良醞令之屬入實罇壘

山罇實以禮齊蜃罇

實以沈齊其明水各實於上罇

太祝以幣置於筐設於饌所

皆有幣各

依方色俱一丈八尺

太官令帥進饌者實籩豆入設於內壇東門

之外饌幔內奉禮帥贊者先入就位贊引引御史太祝以下與執罇壘篚冪者入詣南方山川之西南當門重行北向以西爲上立定奉禮曰再拜贊者承傳御史以下皆再拜執罇壘篚冪者各就位贊引引御史以下行掃除如常儀出還齋所奉禮以下次還齋所質明謁者引獻官以下俱就門外位奉禮帥贊者先入就位贊引引御史以下入就位謁者引獻官贊引引執事者次入就位立定奉禮曰再拜獻官以下皆再拜謁者進獻官之左白有司謹具請行事退復位奉禮曰再拜在位者

皆再拜太祝各取幣於篚以授獻官獻官受幣詣東嶽

通典

卷宿干

禮八十

五

座諸太祝各奠幣於諸嶽鎮海瀆之座謁者引獻官再拜訖降還本位於獻官初受幣太官令帥進饌者奉饌陳於東門之外獻官奠幣再拜訖太官令引饌入諸太祝迎引於座首各奠於神座前施設訖太官令以下還本位諸祝各還罇所謁者引獻官詣壘洗盥手洗爵詣東嶽酒罇所執罇者舉冪獻官酌酒謁者引獻官進東嶽神座前東向跪奠爵興少退東向立初獻官進奠祝史以爵酌酒助奠東鎮以下還罇所太祝持版進於神座之右南面跪讀祝文曰敢昭告於東方嶽鎮海瀆久闕時雨黎元恇懼惟神哀救蒼生敷降嘉液謹以制幣

清酌脯醢明薦於東方嶽鎮海瀆尙享太祝興獻官再拜太祝進跪奠版於神座興還罇所獻官再拜謁者引獻官以次獻諸方嶽鎮海瀆如東方之儀

諸方祝文並同訖謁

者引獻官還本位初獻東嶽贊引次引獻官就壘洗盥手洗爵訖詣東方山川酒罇所執罇者舉罇獻官酌酒訖贊引引獻官進詣東方山川首座前跪奠爵興少退東向立初獻官奠酒齋郎酌酒助奠訖還罇所祝史持

文同嶽祭

興獻官再拜進

版進於神座之右西向跪讀祝又跪奠版於神座興還罇所獻官再拜訖贊引引獻官以次獻諸方山川如東方之儀

諸方祝文皆同訖贊引引獻官還

通典

卷宿于

禮八十

六

本位諸祝各進跪徹豆如式興還罇所奉禮曰再拜獻

官以下皆再拜謁者進獻官之左白請就望瘞位謁者

引獻官就望瘞位西向立於在位者將拜諸太祝各進

神座前跪取幣置於坎奉禮曰可瘞東西廂各二人奠

土半坎謁者進獻官之左白禮畢遂引獻官出贊引引

執事者以次出御史太祝以下俱復執事位立定奉禮

曰再拜御史以下皆再拜贊引引出祝版燔於齋所

報祠

用牲幣飲福受胙於東方嶽鎮山川首座之前其山川唯飲福卽不受胙埋幣血與正祭同餘與祈禮同祝文

與報社同

時早就祈嶽鎮海瀆

前一日諸祈官皆於祈所清齋一宿所司清掃內外又

為瘞坎於壇南如常奉禮設祈官位於壇東南執事者

位於祈官東南奉禮位於執事西南贊者二人在南差

退俱西面北上又設太祝奉幣位於瘞坎之南北向海

即設奉幣位向沈所又設祈官以下門外位於南門之外道東重

行西面北上設罇坵壘筐各於常所執罇壘筐者各位

於罇壘之後其日未明祈官以下各服其服所司帥其

屬入設神座及實罇壘如常儀太祝以幣置於筐幣各依方

色長丈八尺掌饌者實籩豆籩一實脯豆一實醢奉禮帥贊者先入就

位贊引引太祝及執罇壘筐者入當壇南重行北面以

通典 卷福字 禮八十 七

西為上立定奉禮曰再拜贊者承傳太祝以下皆再拜

執罇壘者各就位贊引引太祝升自東陞行掃除於上

訖降行掃除於下皆就位贊明謁者引祈官贊引引執

事者俱入就位立定奉禮曰再拜祈官以下皆再拜其先

拜者謁者進祈官之左白有司謹具請行事退復位奉

禮曰再拜在位者皆再拜初白請行事掌饌者帥進饌

者奉饌陳於東門外祈官拜訖太祝跪取幣於筐以授

祈官祈官奉幣置於神座祈官拜訖降復位掌饌者引

饌入升自南陞太祝迎引於壇上進設於座前設訖掌

饌者以下降復執事位謁者引祈官詣壘洗盥手洗爵

升自南陛詣酒罇所執罇者舉罇祈官酌酒謁者引祈官進北面跪奠於神座前俯伏興少退北向立太祝持版進於神座之右東面跪讀祝文曰文與祈社同嶽鎮海濱各隨其稱

祝興祈官再拜祝進跪奠版於神座興還罇所祈官拜訖謁者引祈官降復位太祝進跪徹豆如式還罇所奉禮曰再拜在位者皆再拜謁者進祈官之左白請就望

瘞位謁者引祈官就望瘞位西向立於在位者將拜太祝進神座前跪取幣置於坎東西面各二人奠土半坎海濱則以奉禮曰再拜祈官以下皆再拜謁者進祈官幣沈之

之左白禮畢遂引祈官出贊引引執事者以次出太祝通典 卷一百一十一 禮八十 八

以下俱復執事位立定奉禮曰再拜太祝以下皆再拜以出奉禮贊者以次出其祝版燔於齋所得雨報祠用幣血及飲福受胙皆與正祭同餘與祈禮同祝文與北郊報祠同

久雨禳祭國門

將祭有司筮日如別儀前一日諸祭官清齋於祭所右校掃除祭所太官丞先饌酒脯醢醢以瓢齋其日質明郊社丞帥其屬設神座皆內向設酒罇各於神座之左設壘洗及篚於酒罇之左俱內向並實以巾爵執罇壘洗篚者各位於罇壘洗篚之後奉禮設獻官位於壘洗之左而右向執事者於其後皆以近神為上郊社丞與良醢之屬

實罇壘獻官以下俱就位立定謁者贊拜獻官以下皆再拜祝與執罇壘筐者各就位太官丞出詣饌所謁者進獻官之左白有司謹具請行事退復位太官丞引饌入太祝迎引設於神座前訖太官丞以下還本位祝還罇所謁者引獻官詣壘洗盥手洗爵詣酒罇所執罇者舉罇獻官酌酒進神座前跪奠爵俛伏興少退向座立太祝持版進於神座之右跪讀祝文曰維某年歲次月朔日子嗣天子遣具官姓名昭告於國門霖雨淹久害於百穀惟靈降福應時開霽謹以清酌嘉薦明告於神尚享祝興獻官再拜太祝跪奠版於神座俛伏興還罇

通典

卷一百一十

禮八十

九

所獻官再拜訖謁者引還本位祝進跪徹豆俯伏興還罇所祝與執罇壘筐者俱復執事位謁者贊拜獻官以下皆再拜謁者進獻官之左白禮畢遂引獻官以下出每祭皆如之祝版皆燔於齋所若雨止報祠用少牢飲福與祈同祝文日前日以霖雨式陳誠禱惟神降祉應時開霽謹以清酌少牢粢盛庶品明薦於神尚享

諸州祈社稷

縣祈附

前二日本司掃除壇之內外又爲瘞坎於壇北如常設

上佐

縣則縣丞以下倣此

以下次於社壇西門之外道北隨地之

宜前一日諸祈官皆於祭所清齋一日掌事者饌酒脯

醢設上佐位於稷壇西北掌事以下位於西門之內道

北俱重行東向以南爲上設贊唱者位於上佐東北東
面南上設望瘞位於瘞坎北如常設上佐以下門外位
於西門之外道南俱重行北面以東爲上其日夙興本

司帥其屬守社壇四門去壝九十步所

縣七

禁斷行人

掌事者入設神席罇坩壘洗籠纂如常祭之儀

每座各一籩豆

籩實巾二爵二每座皆爵一置於坩質明上佐以下各服其服本司帥掌

事者入實罇壘洗以祝版各置於坩又以幣各置於籠

設於饌所

其幣各長一丈八尺

贊禮者引上佐以下俱就門外位

贊唱者先入就位祝與執罇壘籩者入當社壇北重行

南向以東爲上立定贊唱者曰再拜祝以下皆再拜執

通典

卷宿宇

禮八十

十

罇者各升自西階立於罇所執壘籩者各就位諸祝詣

社壇升自西階行掃除訖降入詣稷壇升行婦除訖諸

祝出奉幣籩入就瘞坎北位贊禮者引上佐以下入就

位立定贊唱者曰再拜上佐以下皆再拜贊禮者進上

佐之左白請行事還本位贊唱者曰再拜上佐以下皆

再拜初白請行事掌饌者帥執饌者奉饌陳於西門之

外祝以幣授上佐贊者引上佐升壇北陞南向跪奠於

社神座前訖興少退再拜訖復位又祝以幣授上佐上

佐奉幣升稷壇跪奠如社壇之儀訖掌饌者引饌入社

稷之饌升自北階配座之饌升自西階諸祝迎引於壇

上各設於神座前訖掌饌者降自西階復位諸祀各還
樽所贊禮者引上佐詣壘洗盥手洗爵自社壇北階升
詣社神酒樽所執樽者舉罌上佐酌酒進詣神座前南
向跪奠爵與少退南向立祝持版進於神座之右西面
跪讀祝文曰歲月日子

如刺史姓名縣則縣令姓名下做此

謹遣

具位姓名敢昭告於社神

自社稷以下祝文並與國祈同

享尙訖興上

佐再拜祝進跪奠版於神座興還樽所上佐再拜訖贊
禮者引上佐詣配座酒樽所取爵於坵執樽者舉罌上
佐酌酒進詣后土氏神座前西向跪奠爵與少退西向
立祀持版進於神座之左南向跪讀祝文尙享訖興上

通典

卷一百一

禮八十一

七

佐再拜祝進跪奠版於神座興還樽所上再佐拜訖贊
禮者引上佐降自北階詣壘洗盥手洗爵詣稷壇之北
階升獻如社壇之儀獻訖贊禮者引上佐降復位諸祀
各進神座前跪徹豆興還樽所贊唱者曰再拜上佐以
下皆再拜贊禮者進上佐之左白請就望瘞位贊者引
上佐就望瘞位南向立祝以筐進於神前取幣及血黍
稷飯皆寘於坎贊唱者曰可瘞坎東西各二人寘土半
坎贊者進上佐之左白禮畢遂引出諸執事者以次出
諸祀與執樽壘籬者降復執事位贊唱者曰再拜祝以
下俱再拜以出其祝版燔於齋所

得兩報祠以羊豕其祭器之數及飲福受

昨塵幣血皆與正祭同餘與祈禮同祝文
自社稷及后土后稷等並與國祈報同

諸州祈諸神縣祈附

前一日日本司設上佐縣則縣丞以下次於祈所隨地之

宜又爲瘞陷於神座之南方深取足容物諸祈官皆於

祈所清齋一日掌事饌酒脯醢每座籩豆各一祈日質明去祭

所七十步縣五步禁止行人上佐以下各服其服祝帥掌

事者奉席入設神座於北廂南向若更有諸座則以西爲上贊禮者

帥執罇者設罇於神座之左北向設洗於酒罇東北向

壘水在洗東篚在洗西南肆篚實以巾爵執罇壘篚者各位

於罇壘篚之後設上佐以下位於神座東南重行西面

通典

卷宿宇

禮八十

三

以北爲上設贊唱者位於上佐西南西向設望瘞位於

瘞坎之南北向西上設門外位於東門之外道南北向

西上掌事者入實罇壘洗以祝版置於坵又以幣置於

篚設於饌所其幣各長一丈八尺贊禮者引上佐以下俱就門外

位贊唱者先入就位祝與執罇壘者入當神座前重行

北面西上立定贊唱者曰再拜祝以下皆再拜執罇壘

篚者各就位祝進神座前行掃除訖贊唱者曰再拜上

佐以下皆再拜贊禮者進上佐之左白請行事還本位

贊唱者曰再拜上佐以下皆再拜初白請行事掌饌者

帥執饌者奉饌陳於西門之外祝以幣授上佐上佐受

幣跪奠於神座前訖興少退再拜訖復位掌饌者引饌

入祝迎引於座首各設於神座前訖執饌者退復位祝

還罇所贊禮者引上佐詣壘洗盥手洗爵詣酒罇所執

罇者舉罇上佐酌酒贊禮者引上佐詣神座前北向跪

奠爵興少退北向立祝持版進於神座之右東面跪讀

祝文文與祈社同訖興上佐再拜祝進跪奠版於神座興還

罇所若更有諸座祈官酌獻皆如其儀唯不盥手奠祝文與同贊禮者引上佐還本

位祝進神座前跪徹豆興還罇所贊唱者曰再拜上佐

以下皆再拜贊禮者進上佐之左白請就望瘞位上佐

就望瘞位北面立祝以幣實於坎坎東西各二人寅土

半坎贊禮者進上佐之左白禮畢遂引上佐以下出訖

祝與執罇壘篚者俱復執事位贊唱者曰再拜祝以下

皆再拜其祝版燔於齋所若祈海濱等其幣沈之設奉幣位各向所祈之水沈之時

節一與瘞同若祈先代帝得雨報祠牢饌飲福受胙瘞王其瘞幣如正祭之禮

幣血皆同祭社之禮若非嶽鎮海濱先代帝王唯飲福不受胙其瘞坎之位仍依祈禮若

海濱沈幣又并沈血位及沈之時節準祈餘皆與祈禮沈之禮若報祠先代帝王瘞幣與祈同

同祝文與祈社同

諸州祭城門縣祭附

諸州祭城門縣祭附

若霖雨不止祭祭城門設神座皆內向設瓢齋之罇各

於神座之左設壘洗及篚於酒罇之左俱內向設司功


縣尉位於壘洗之左而右向執事者位於其後皆以近
神爲上贊禮者贊拜無幣不爲瘞坎餘與祈諸神同祝
文曰維某年歲次月朔日子刺史姓名縣則縣令姓名遣具位
姓名昭告於城門霖雨淹久害於百穀惟靈降福應時
開霽謹以清酌嘉薦明告於城門尙享若雨止報祠用
特牲飲福餘與祭同祝曰前以霖雨式陳誠禱惟靈降
祉應時開霽餘同上

通典

卷一百一十

禮八十

古



通典卷第一百二十

唐 京 兆 杜 佑 君 卿 纂

禮八十一 開元禮纂類十六 吉十三

諸州祭社稷 諸縣祭社稷附

前三日刺史 縣則縣令下做此 散齋於別寢二日致齋於廳事

一日亞獻以下應祭之官散齋二日各於正寢致齋一

日皆於壇所 上佐為亞獻錄事參軍及判司為終獻若判司及上佐有故並次差攝之縣則丞為

亞獻主簿及尉通為終獻若縣令以下諸從祭之官各有故並以次差不足則州官及比縣充

清齋於公館一日 從祭官刺史未出之前先赴祭所齋皆如別儀 前二日本司

先修除壇之內外 其壇方二丈五尺高三尺四寸出階三等 為瘞坎二於壇

通典 卷一百二十一

西門之外道北南向 縣坎於壇北方深足容物 設刺史次於社壇西

門外道北南向 縣令同 諸祭官以下次於刺史次西北俱

南向以東為上前一日晡後本司帥其屬守社稷壇四

門去壇九十步 縣七步 禁止行人本司設刺史位於北

門之內道西南向 若刺史有故攝祭初獻位於亞獻之前東面縣令位同 設亞獻

終獻位於社稷壇西北設掌事者位於西門之內道北

俱每等異位東向北上設贊唱者位於終獻東北東面

北上設州官位於祭官掌事者之北東面 縣從祭官位同 府官

位於東方當州官西面俱重行南上 縣無府官以下至此 設望瘞

位於坎北南向東上設門外位祭官以下於西門之外

道南州官於祭官之南俱重行北面以東為上縣從祭官位同

府官於東門之外道南重行北面以西為上祭器之數每座罇二

籩八豆八簋二簠二俎三羊豕脾腊各一俎縣同掌事者以罇坫升自西階各

設於壇上西北隅配座之罇在西俱南向東上皆加勺

罇社稷皆爵一配座皆爵四各置於坫設洗於社稷北

陛之西去壇三步所南向壘水在洗西加勺罇篚在洗

東北肆實爵六巾二加罇執罇壘洗篚者各位於罇壘

篚洗之後祭日未明烹牲於廚祝以豆二夙興掌饌者

實以祭器牲體羊豕皆載右脾前腳三節肩臂臠節一

腕胙二節又取正脊脰脊橫脊短脊正脅代脅各二骨以並餘皆不設簋實黍稷簋實稻粱籩實石鹽乾魚棗

通典卷宿王禮八十一

栗菱芡鹿脯豆實齋菹監醢菁菹鹿醢韭菹本司帥掌

免醢筍菹魚醢若土無者各以其類充之事者以席入自西門詣壇西階升設社稷神座各於壇

上近南北向又設后土氏神座於社神之左右稷氏神

座於稷神之左俱東向席皆以莞質明諸祭官及從祭

之官各服其服祭官服祭服從祭之官應公本司帥掌

事者入實罇壘每座罇二一實元酒祝版各置於坫祝

以幣各置於篚與血豆俱設於饌所社稷之幣皆用贊

唱者先入就位祝與執罇壘篚者人自西門當社壇北

重行南向以東為上立定贊唱者曰再拜祝以下皆再

拜執罇者升自西階立於罇所執壘篚者各就位諸祝

詣社壇升自西階行掃除訖降詣稷壇升掃除如社壇之儀降掃除於下訖皆就位刺史將至縣則縣令將至下做此

禮者引祭官及從祭之官與掌事者俱就門外位刺史至參軍事引之次贊唱者先入就位縣令贊禮者引下做此刺史

停於次少頃服祭服出次參軍事引刺史入自西門就

位南向參軍事立於刺史之東少退南向贊禮者引祭

官以下及從祭之官以次入就位凡導引者每曲一遠巡立定贊

唱者日再拜刺史以下皆再拜參軍事少進刺史之左

西面白請行事退復位本司帥執饌者奉饌陳於西門

之外祝以幣授刺史參軍事引刺史北階升社壇南向

通典卷福五

禮八十一

三

跪奠幣於社神座前訖興少退再拜祝又以幣授刺史

參軍事引刺史升稷壇南向跪奠幣於稷神座如社壇

之儀訖參軍事引刺史降復位本司引饌入社稷之饌

升自北階配座之饌升自西階諸祝迎引於壇上設於

神座前籩豆蓋簠先徹乃升籩盥既奠卻其蓋於下籩居右豆居左籩盥居其間羊豕二俎橫而重於

於左右腊特本司與執饌者降自西階復位諸祝各還爵所

參軍事引刺史縣贊禮者引詣壘洗執壘者酌水執洗

者跪取盤興承水刺史盥手執篚者跪取巾於篚興進

刺史悅手訖執篚者受巾跪奠於篚遂取爵興以進刺

史受爵執壘者酌水刺史洗爵執篚者又取巾於篚興

進刺史拭爵訖受巾奠於篚奉盤者跪奠盤興參軍事引刺史自社壇北階升詣社神酒罇所執罇者舉罇刺史酌體齊參軍事引刺史詣社神座前南向跪奠爵興少退南向立祝持版進於神座之右西向跪讀祝文曰維某年歲次月朔日子某官姓名敢昭告於社神惟神德兼博厚道著方直載生品物含養庶類謹因仲春秋祇率常禮恭以制幣犧齊粢盛庶品備茲明薦用申報本以后土勾龍氏配神作主尚享縣祝文以下並同訖祝興刺史再拜祝進跪奠版於神座興還罇所刺史拜訖參軍事引刺史詣配座酒罇所取爵於坵執罇者舉罇刺史酌體齊參軍事引詣后土氏神座前西向跪奠爵興少退西向立祝持版進於后土氏前祝文曰爰茲仲春秋

通典

卷一百一

禮八十一

四

厥日惟戊敬修常事薦於社神惟神功著水土平易九州昭配之義實通祀典謹以犧齊粢盛庶品式陳明薦作主侑神尚享祝興刺史再拜祝進跪奠版於神座興還罇所刺史拜訖參軍事引刺史進當社神座南向立祝各以爵酌福酒合置一爵祝持爵進於刺史之右東向立刺史再拜受爵跪祭酒啐酒奠爵興祝帥執饌者以俎進減社神座前胙肉各取前脚第二骨共置一俎上興祝持俎東向進刺史受以授左右刺史跪取爵飲卒爵祝

進受爵復於坵刺史興再拜參軍事引刺史降自北階
詣壘洗盥手洗爵自稷壇北階升詣稷神酒罇所執罇
者舉罇刺史酌醴齊參軍事引刺史詣稷神座前南向
跪奠爵興少退南向立祝持版進於神座之右曰敢昭
告於稷神惟神播生百穀首茲八政用而不匱功濟萌
黎恭以制幣儀齊案盛庶品祇奉舊章備茲瘞禮以后
稷棄配神作主尙享訖祝興刺史再拜祝進跪奠版於
神座興還罇所刺史拜訖參軍事引刺史詣配座酒罇
所刺史取爵於坵執罇者舉罇刺史酌醴齊參軍事引
刺史詣后稷氏座前西向跪奠爵興少退西向立祝持

通典

卷五十一

禮八十一

五

版進於神座之右南面跪讀祝文曰敢昭告於后稷氏
爰以仲春仲秋恭修常禮薦於稷神惟神功協稼穡闡修
農政允茲從祀用率舊章謹以犧齊案盛庶品式陳明
薦作主配神尙享訖祝興刺史再拜祝進跪奠版於神
座興還罇所刺史拜訖參軍事引刺史詣稷神座前南
向立飲福受胙如社壇之儀訖參軍事引刺史降自本
階還本位初刺史獻將畢贊者引亞獻詣壘洗盥手洗
爵升獻如刺史之儀唯不讀祝文不受胙亞獻將畢贊禮者引終
獻詣壘洗升酌終獻如亞獻之儀訖降復位諸祝各進
神座前跪徹豆興還罇所贊唱曰賜胙再拜非飲福受

胙者皆再拜贊唱者又曰再拜刺史以下皆再拜參軍
事少進刺史之左西面白請就望瘞位參軍事引刺史
就望瘞位西向立祝於神前取幣及血寘於坎贊唱者
曰可瘞坎東西面各二人寘土半坎參軍事進刺史左
白禮畢遂引刺史出還次贊禮者引祭官以下次出諸
祝及執罇壘篚者降復掌事位贊唱者曰再拜祝以下
皆再拜以出其祝版燔於齋所

諸州釋奠於孔宣父

縣釋奠同

前享三日刺史

縣則縣令下倣此

散齋於別寢二日致齋於廳

事一日亞獻以下應享之官散齋二日各於正寢致齋

通典

卷五十一

禮八十一

六

一日於享所

上左爲亞獻博士爲終獻若刺史上佐有故並以次差攝博士有故取參軍以上攝

縣丞爲亞獻及簿尉通爲終獻縣令有故並以次差充當縣闕則差比縣及州官替充 其日助教

及諸學生皆清齋於學館一宿前享二日本司掃除內

外又爲瘞坎於院內堂之壬地方深取足容物南出階

本司設刺史以下次於門外隨地之宜前享一日晡後

本司帥其屬守門本司設三獻位於東階東南每等異

位俱西面設掌事位於三獻東南西面北上設望瘞位

於堂上之東北當瘞坎西向設助教位

縣學官位下倣此

於西

階西南掌事學生位於助教之後俱東面北上設贊唱

者位於三獻西南西面北上又設贊唱位於瘞坎東北

南向東上設三獻門外位於道東每等異位俱西面掌
事位於終獻之後北上祭器之數與祭社同掌事者以
罇拈升設於堂上前楹閒北向先聖之罇在西先師之
罇在東俱西上皆加勺罍先聖爵一配座爵四各置於
拈設幣篚於罇所設洗直東榮南北以堂深壘水在洗
東加勺罍篚在洗西南肆實爵三巾二於篚加罍執罇
壘洗篚者各位於罇壘洗之後享日未明烹牲於廚夙
興掌饌者實祭器其實與祭社同本司帥掌事者設先聖神座
於堂上西楹閒東向設先師神席於先聖神座東北南
向席皆以莞質明諸享官各服祭服助教儒服學生青

通典

卷宿王

禮八十一

七

襟服本司帥掌事者入實罇壘及幣每座罇二一實元酒爲上一實醴齊

次之禮神之幣用白各長丈八尺祝版各置於拈贊唱者先入就位祝

二人與執罇壘篚者入立於庭重行北面西上立定贊

唱者再拜祝以下皆再拜執罇壘篚者各就位祝升自

東陞行掃除訖降自東階各還齋所刺史將至贊禮者

引享官以下俱就門外位助教學生並入就門內位刺

史至參軍事引之次縣令贊禮者引下倣此贊唱者先入就位祝

入升自東陞各立於罇後刺史停於次少頃服祭服出

次參軍事引刺史入就位西向立參軍事退位立於左

贊禮者引享官以下次入就位凡導引者每曲一逡巡立定贊唱

者曰再拜刺史以下皆再拜參軍事少進刺史之左北面白請行事退復位祝俱跪取幣於篚興各立於罇所凡取物者皆跪伏取以興本司帥執饌者奉饌陳於門

外參軍事引刺史升自東階進先聖神座前西向立祝以幣北向授刺史受幣參軍事引刺史進西向跪奠於先聖神座前興少退西向再拜訖參軍事引刺史當先師神座前北向立祝又以幣西向授刺史受幣參軍事引刺史進北向跪奠於先師神座興少退北向再拜參軍事引刺史降復位本司引饌人升自東階祝迎引於階上各設於神座前籩豆蓋簠先徹乃升簠簋既奠卻其蓋於下籩居右豆居左簠簋居

通典

卷一百一

禮八十一

八

其間羊豕二俎橫而重於右腊特陳於左設訖本司與執饌者降出祝還罇

所參軍事引刺史詣壘洗執壘者酌水執洗者跪取盤興承水刺史盥手執篚者跪取巾於篚興進刺史脫手訖執篚者受巾跪奠於篚遂取爵興以進刺史受爵執壘者酌水刺史洗爵執篚者又跪取巾於篚興進刺史拭爵訖受巾跪奠於篚奉盤者跪奠盤興參軍事引刺史升自東階詣先聖酒罇所執罇者舉罇刺史酌醴齊參軍事引刺史詣先聖神座前西向跪奠爵興少退西向立祝持版進於神座之右北面跪讀祝文曰維某年歲次月朔日子刺史縣令下具官姓名敢昭告於先聖

孔宣父惟夫子固天攸縱誕降生知經緯禮樂闡揚文
教餘烈遺風千載是仰俾茲末學依仁游藝謹以制幣
犧齊粢盛庶品祇奉舊章式陳明薦以先師顏子配尚
享祝興刺史再拜祝進跪奠版於神座興還罇所刺史
拜訖參軍事引刺史詣先師酒罇所取爵於坵執罇者
舉罇刺史酌醴齊參軍事引刺史詣先師神座前北向
跪奠爵興少退北向立祝持版進於神座之左西向跪
讀祝文曰敢昭告於先師顏子爰以仲春仲秋率遵故實
敬修釋奠於先師顏子惟子庶幾具體德冠四科服道
聖門實臻壺奧謹以制幣犧齊粢盛庶品式陳明薦從

通典

卷五十五

禮八十一

九

祀配神尚享祝興刺史再拜訖祝進跪奠版於神座興
還罇所刺史拜訖參軍事引刺史詣東序西向立祝各
以爵酌福酒合置一爵一太祝持一爵進刺史之左北
面立刺史再拜受爵跪祭酒啐酒奠爵俯伏興祝各帥
執饌者進俎跪減先聖先師神座前胙肉各取前腳第二骨共
置一俎上又以簋取黍稷飯共置一簋興祝先以飯進
刺史受以授執饌者刺史跪取爵遂飲卒爵祝進受爵

復於坵刺史興再拜參軍事引刺史降復位初刺史獻
將畢贊禮者引亞獻詣壘洗盥手洗爵升獻飲福如刺

史之儀

唯不讀祝文亦不受胙

訖降復位亞獻畢贊禮者引終獻

詣壘洗盥洗升獻如亞獻之儀訖復位自此下至攝祝
視取幣降西階爲異

州學生束脩縣禮同

束帛一筐正 酒一壺二 脯一案五

其日平明學生青襟服至學門博士公服若儒服立於
學堂東階上西面贊禮者引學生立於門東西面不自

賓陳束帛筐酒脯案於學生西南當門北向重行西上

將命者出立於門西東面白敢請行事學生少進曰某
方受業於先生敢請見將命者入告博士曰某也不德

請子無辱將命者出告學生曰某不敢爲儀敢固以請

通典卷百五 禮八十一 十

將命者入告博士曰請子就位某敢見將命者出告學

生曰某不敢以視賓客請終賜見將命者入告博士曰

某辭不得命敢不從將命者出告執筐者以筐東面授

學生博士降俟於東階下西面贊禮者引學生執酒脯

者從之學生入門而左立於西階之南東面執酒脯者

立於學生西南東面北上學生跪奠筐再拜博士答拜

學生還避遂進跪取筐贊禮者引學生進博士前東面

授幣執酒脯者從奠於博士前博士受幣贊者取酒幣

以東執酒脯者出贊禮者引學生立於階間近南北面

再拜訖引出

諸里祭社稷

前一日社正及諸社人應祭者各清齋一日於家正寢
正寢者謂人家前堂待賓之所應設饌之家先修治神樹之下又為瘞

坎於神樹之北方深取足容物掌事者設社正位於稷
座西北十步東面諸社人位於其後東面南上設祝奉

血豆位於瘞坎之北南向祭器之數每座罇酒二并勺

一以巾覆之俎一籩二豆二爵二簋二盞二無禮器者量以餘器

充祭日未明烹牲於廚唯以特豕祝以豆取牲血置於饌所夙威掌饌者

實祭器牲體載右胖折節如州縣制分載二俎其罇一實元酒為上一實清酒次之籩實棗栗豆實菹

醢籩實黍稷掌事者以席入社神之席設於神樹下稷

通典卷宿王 禮八十一士

神之席設於神樹西俱北向質明社正以下各服其服

掌事者以盥水器入設於神樹北十步所加勺巾二爵

一於其下盛以箱又以酒罇入設於神北近西社神之

罇在東稷神之罇在西俱東上南向罇爵二及祝販於罇下執罇

者立於罇後掌事者入實罇酒訖祝及執罇者其祝以社人有

學識者入當社神北南向以東為上皆再拜執酒罇者

就罇後立其執盥者就盥器後立贊禮者引社正以下

俱就位立定贊禮者贊再拜社正以下皆再拜祝詣罇

所贊禮者再拜社正以下皆再拜掌事者以饌入各設

於神座前菹醢居前左右箱黍稷在其間俎在其外訖掌事者出贊禮者引

社正詣盥器所執盥者酌水社正洗手取巾拭手訖洗爵拭爵訖贊禮者引社正詣社神酒罇所酌酒訖贊禮者引社正詣社神座前跪奠爵於饌右興少退南向立

祝持版進社神座東西面跪讀祝文曰維某年歲次月

朔日子某坊村則云某村社正姓名台社若干人等今

昭告於社神惟神載育黎元長茲庶物時屬仲春仲秋日

惟吉戊謹率常禮恭用特牲清酌粢盛庶品祇薦社神

尙享祝興社正以下及社人等俱再拜贊禮者引社正

詣稷神酒罇所取爵酌酒訖贊禮者引社正詣稷神座

前南向跪奠酒於饌右興少退南向立祝持版進於稷

通典卷宿王禮八十一 三

神座西東向跪讀祝文曰若干人等敢昭告於稷神惟

神主茲百穀粒此羣黎今仲春吉戊秋云仲秋謹率常禮恭

以特牲清酌粢盛庶品祇薦於稷神尙享祝興社正以

下及社人俱再拜贊禮者引社正立於社神座前南向

立祝以爵酌社稷神福酒合置一爵進社正之右社正

再拜受酒訖跪祭酒遂飲卒爵祝受爵還罇所社正興

再拜贊禮者引社正還本位立定贊禮者再拜社正及

社人俱再拜訖祝以血置於坎坎東西各一人寘土半

坎贊禮者少前白禮畢遂引社正等出祝與執罇者復

位再拜訖出其餘饌社人等俱於此飲如常會之儀其

祝版燔於祭所

諸太子廟時享

齋戒

將享有司卜日如別儀凡應享之官散齋二日致齋一日太樂工人等清齋竝如別儀

陳設

前享三日右校清掃內外守宮設享官以下次於齋坊之內前享二日太樂令設軒懸之樂於廟庭如式前享一日奉禮設享官以下位於東門之內道北執事位於道南每等異位重行西向以北爲上設奉禮位於樂懸

通典

卷宿五

禮八十一

三

東北贊者一人在南差退俱西面設協律郎位於廟堂之上前楹閒近西東向設太樂令位於樂懸之間北向設門外位享官以下皆於東門外道南每等異位北向西上前享一日晡前三刻廟令帥府史齋郎以罇坩壘洗篚罍入設於位其籩豆鉶登陳於廟座之東加以巾蓋籩豆各十登四俎二瓚一簠簋各二蕭蒿坩盤各一壘洗各一設器物者濯而陳之晡後三刻贊引引博士詣廚省視濯漑還齋所享日未明十五刻太官令帥宰人以鸞刀割牲胾骨共實一豆置於饌所

晨裸

享日未明四刻諸享官各服朝服廟令良醴令各率其

屬人實罇壘

鐵罇實以醴齊衆罇實以盎齊壘罇實以清酒共三罇之上罇實以元酒爵七勺二

篚一并設洗於堂下其器並以烏漆

太官令帥進饌者實諸籩豆簠簋未

明三刻奉禮帥贊者先入就位贊引引博士宮闈令及執罇壘篚罍者入自東門當階閒重行北面西上立定

奉禮曰再拜贊引引博士升堂上各就位宮闈令開坎

室出神主置於座訖還執事位未明二刻謁者引享官

俱就東門外位太樂令引工人入訖贊引亞獻先入就

位再拜訖行掃除復位謁者引享官入就位立定奉禮

曰再拜享官等再拜訖謁者進初獻之左白有司謹具

請行事退復位協律郎俯伏舉麾工鼓祝奏肅和之樂

通典

卷宿五

禮八十一

五

三成偃麾夏致樂止奉禮曰衆官再拜在位者皆再拜

謁者引初獻詣壘洗盥手洗瓚訖謁者引初獻升自東

階詣取爵飲以授齋郎虛爵俛伏興再拜訖贊引引復

位贊引引亞獻詣壘洗盥手洗爵升堂詣罇所酌酒入

奠於神座前興退戶外再拜訖少退立齋郎酌酒兩爵

合置一爵亞獻再拜跪受爵啐酒遂飲卒爵以爵授齋

郎俛伏興再拜訖引復位次引終獻如亞獻之儀引復

位訖奉禮曰賜胙贊者曰再拜

飲福酒者不拜

奏肅和之樂一

成止贊者曰再拜在位者皆再拜訖贊引進初獻之左

白禮畢贊引各引享官以次出贊引引博士以下俱就

執事位奉禮曰再拜博士以下皆再拜引出宮闈令納神主如常儀其祝版燔於齋坊

三品以上時享其廟 四品五品六品以下附

前享五日筮於廟門之外主人公服立於門東西面掌事者各服其服立門西東面北上設筮席於闈西闕外西面筮者開鞞出冊兼執之東面受命於主人主人曰孝曾孫某來日丁亥祇享於廟尙享 非必丁亥也直舉亥辛亥苟筮者曰諾進就筮席西面以鞞擊冊遂述曰有亥焉可

假爾太筮有常孝曾孫其來日丁亥祇享於廟尙享乃

釋鞞坐筮訖輿降席東面旅占曰從筮吉退若不吉卽

通典

卷宿五

禮八十一

五

筮遠日還如初儀贊禮者進主人之左告禮畢掌事者

徹筮席先享三日主人及亞獻終獻并執事者各散齋

二日於正寢致齋一日於廟所 國官僚佐之長爲亞獻其次爲終獻無則親親

爲子孫及凡人廟者各於其家清齋皆一宿 四品五品以上同六

品以下若有廟者如五品以上之儀無廟者筮於正寢

之堂主人公服立於堂上楹間近東西面掌事者近西

東面北上設筮席於主人之西筮者開鞞出冊兼執之

東面受命於主人主人曰孝孫某來日丁亥春祠其餘

並同五品以上儀亞前一日之夕清掃內外掌廟者整

拂神幄 六品以下無廟者但清掃內外 贊禮者設主人之位於東階西面亞獻終獻位於主人東南掌事者位於終獻東南俱重行西向北上設子孫之位於庭重行北面西上設贊

唱者位於終獻西南西面又設亞獻以下位於門外之東執事者在南差退俱西向設牲於南門之外當門北面以西爲上掌牲者位於牲西北東面諸祝位於牲後俱北向設亞獻省牲位於牲前近東西向設祭器之數

每室罇二簋二簠二登二鉶二俎二籩豆一品二品各

十二品八四品五品各六六品以下簋掌事者以罇入

設前楹下各於室戶六品以下無廟之東北面西上皆

加勺罍首座罇一餘座皆罇四置於楹四品

序東西向每座簋在前簠次之登次之鉶次之籩次之

豆次之俎在後每座異之皆以南爲上屈陳而下設洗

通典登宿王禮八十一 六

於東階東南東西當東雷九品以上同六品南北以堂

深壘水在洗東加勺罍筐在洗西南肆實爵三巾二於

筐加罍凡器物皆執罇壘洗筐者各於罇壘洗筐之後

掌牲者以牲就榜位贊禮者引亞獻入詣東階升堂徧

視滌濯於視濯執罇者訖引降就省牲位亞獻省牲掌

牲者前東面舉手曰腊還本位諸祝各循牲一匝北面

舉手曰充俱還本位祝與掌牲者以次牽牲付廚贊禮

者引終獻詣廚省鼎饌視濯漑亞獻以下每事執饌者

入徹簋簋籩豆俎鉶以出享日未明烹牲於廚夙興掌

饌者實祭器牲體皆載右胖前脚三節節一段肩臂臑皆載之後脚三節節一段去下一節載上

胙肸二節又取正脊脰脊橫脊短脊正脊代脰各二骨以並餘皆不設簋實稷黍簋實稻粱籩實石鹽乾脯棗栗之屬豆實醢醬齏菹之類六品以下簋實稷主人以籩實黍籩實脯棗豆實菹醢餘同五品以上

下各服其服掌事者入實罇壘每室二罇一實元酒祝

版各置於坵四品五品六品於罇所諸祝與奄人四品五品無奄人六品以下於

正寢室內入立於庭北面西上立定皆再拜訖升自東階以

次出神主各置於座夫人之主奄人奉出俱並席處右

品以下祝設神座於正寢室內祖在西東面禰在祖東北皆有几筵質明贊禮者引亞獻

以下及子孫俱就門外位贊唱者先入就位諸祝與執

罇壘者入立於庭北面西上立定贊唱者曰再拜祝以

下俱再拜各就位掌饌者奉饌陳於門外贊禮者引主

通典卷百五禮八十一七

人入就位又贊禮者引亞獻以下及子孫以次入就位

立定贊唱者曰再拜主人以下皆再拜贊禮者進主人

之左白請行事退復位掌饌者引饌入升自東階諸祝

迎引於階上各設於神座前籩居右豆居左簋簋登銅

於右腊俎特於左四品五居其間羊豕二俎橫陳重

品同六品特牲俎橫於前執鑪炭蕭稷臠骨者各從其

俎升置於室戶外之左六品無廟則設於堂戶外之左餘同其蕭稷各置

於鑪炭下施設訖掌饌以下降出諸祝各取蕭稷搗而

反於脂燔於鑪炭還罇所贊禮者引主人詣壘洗執壘

者酌水執洗者跪取盤興承水主人盥手執篚者跪取

巾於篚興進主人拭手執篚者受巾跪奠於篚遂取爵

與以進主人受爵執壘者酌水主人洗爵執爵者又跪

取巾於篚興進主人拭爵訖受巾跪奠於篚奉盤者跪

奠盤興凡取物者跪俯伏而取以興贊禮者引主人自

東階升堂詣某祖酒罇所六品以下詣執罇者舉罇主

人酌酒贊禮者引主人進詣某祖座前北面跪奠爵興

出戶北面立四品五品同六品以下西祝持版進於室

戶外之右東面四品五品同六品以下祝跪讀祝文曰

維某年歲次月朔日子孝曾孫某官封某無封者單稱

稱孝孫餘同無官者稱名敢昭告於某祖考某諡封祖妣某邑夫人

某氏時惟仲春夏云仲夏秋云伏增遠感謹以柔毛剛

通典卷宿五禮八十一大

鬣明粢薌合薌其嘉蔬嘉薦四品五品云柔毛剛鬣嘉

餘同五品醴齊恭薦祠享春云祠夏云祔薦普淅六品以下無柔毛

某祖妣夫人某氏配尚享秋云嘗冬云烝於某祖考某諡封

主人再拜祝進跪奠版於神座興還罇所贊禮者引主

人以次酌獻如上儀唯不訖贊禮者引主人詣東序西

向立四品五品同六品以下諸祝各以爵酌福酒

合置一爵一祝持爵進主人之左跪祭酒辟酒奠爵興

諸祝各帥執饌者以俎入減神前胙肉共置一俎上又

以簋偏取黍稷飯共置一簋祝先以飯簋進主人受以

授左右祝又以俎次授主人每受以授左右訖主人跪

取爵遂飲卒爵祝進受爵復於坫四品五品六品復於罇所下做此主

人興再拜贊禮者引主人降自東階還本位西向立主

人獻將畢贊禮者引亞獻詣壘洗手洗爵升自東階

詣某祖酒罇所執罇者舉罇亞獻酌清酒贊禮者引亞

獻進詣某祖神座前北向跪五品以上同六品以下詣先祖前西向跪奠爵興少

退再拜奠爵興出戶北向再拜贊禮者引亞獻如上儀訖

贊禮者引亞獻詣東序西向立五品以下同六品詣祖座近東西向立諸

祝各以爵酌福酒如初獻儀唯不受胙又贊禮者引終獻亦

如初獻儀訖降復位諸祝皆進神座前跪徹豆興還罇

所徹者籩豆各一贊唱者曰再拜非飲福受胙者皆再

通典卷五十三禮八十一 无

拜贊唱者又曰再拜主人以下皆再拜贊禮者進主人

之左白禮畢遂引主人出贊禮者引亞獻以下出子孫

以次出諸祝及執罇壘篚者俱復執事位立定贊唱者

曰再拜諸祝以下皆再拜執罇壘篚者出諸祝與奄人

積神主納於坎室如常儀訖祝版焚於齋所四品五品以下無積

神○褒聖侯祀孔宣父廟及王公以下皆用此禮唯祝

文別

三品以上祫享其廟 禘享附

前享五日筮於廟門之外齋及設位牲榜祭器省牲皆

如時享之儀掌事者以罇坫入設於廟堂上皆於神座

左昭座之罇在前楹間北向始祖及穆座之罇在戶外南向俱以近神爲上皆加勺罍若始祖在曾祖以下則設罇依親廟之式其首座爵一餘座爵四各置於楹神享其未毀廟之罇皆於前楹下各於室戶之東皆北向西上設祭器

於序東西向每座簋在前篚次之登次之鉶次之籩次之豆次之俎在後每座異之皆以南爲上屈陳而下設洗於東階東南東西當東雷南北以堂深壘水在洗東

加勺罍篚在洗西南肆實爵三巾二於篚加罍凡器皆濯而陳

之執罇壘篚罍者各位於罇壘篚罍之後享日未明牽牲於廚夙興掌饌者實祭器牲體折節所載及諸祭器所實如時享掌廟

者設神座於廟堂之上自西序以東始祖座於西序東

向昭座於始祖座東北南向穆座於東南北向俱西上

若始封者仍在曾祖以下則空東面之座依昭穆南北設之每座皆有屏風几席設跌積如式禘又設未毀廟主各於其室主人以下各服其服掌事者入實罇壘每室四罇

一實醴齊爲上一實盞齊次之元酒各實於上罇設元酒者重古陳而不酌祝版各置於楹

諸祝與奄者入立於庭北面西上掌事者持腰輿從入立於東階下西面立定祝與奄者皆再拜訖帥腰輿升

自東階詣始祖廟入開坎室出神主置於輿出詣座前以主置於座以次出神主如上儀訖還齋所夫人之主奄人奉出

俱並而出處右禘又以次出毀廟主如質明贊者引亞上未毀廟主出置於室內之座如時享獻以下及子孫俱就門外位贊唱者先入就位諸祝與

執罇壘者入立於庭北面西上立定贊唱者曰再拜祝
以下皆再拜各就位掌饌者帥執饌者奉饌陳於門外
贊禮者引主人入就位又贊者引亞獻以下及子孫以
次入就位立定贊唱者曰再拜主人以下皆再拜贊禮
者進主人之左白請行事退復位掌饌者引饌入升自
東階諸祝迎引於階上各設於神座前

籩居右豆居左
簋簠登銅居其

間羊豕二俎橫陳重
於右腊俎特於左

執鑪炭蕭稷臠骨者從其俎升設
於神座之左少後其蕭稷各置於鑪炭下施設訖掌饌

者以下降出諸祝各取蕭稷擣於脂燔於鑪炭還罇所
贊禮者引主人詣壘洗執壘者酌水執洗者跪取盤興

通典

卷宿字

禮八十一

三

承水主人盥手執篚者跪取巾於篚興進主人拭手執
篚者受巾跪奠於篚遂取爵興以進主人受爵執壘者
酌水主人洗爵執篚者又跪取巾於篚興進主人拭爵
訖受巾跪奠於篚奉盤者跪奠盤興贊禮者引主人自
東階升堂詣始祖酒罇所執罇者舉罇主人酌醴齊贊
禮者引主人進詣始祖神座前西向跪奠爵興少退西
向立祝持版進神座之右北面跪讀祝文曰維某年歲
次月朔日子孝曾孫某官封某敢昭告於始祖考某諡
封祖妣夫人某氏歲序推遷伏增遠感謹以柔毛剛鬣
明粢薌其嘉齊恭薦禘事

禘云
禘事

於始祖考某諡封始祖

妣夫人某氏配尙享

祖考及子孫各以尊卑稱號其祝文同

訖興主人再

拜祝跪奠版於神座興還罇所贊禮者引主人依昭穆酌獻如上儀

唯不盥洗

訖贊禮者引主人詣東序西向立諸

祝各以爵酌福酒合置一爵祝持爵進主人之左北向

主人再拜受爵跪祭酒啐酒奠爵興諸祝各帥執饌者

以俎進減神座前胙肉共置一俎上又以籩徧取稷黍

飯共置一籩祝先以飯籩進主人受以授左右祝又以

俎以次進主人每受以授左右訖主人跪取爵遂飲卒

爵祝進受爵復於坵主人降自東階還本位西向立主

人獻將畢贊禮者引亞獻詣壘洗盥手洗爵升自東階

通典

卷一百一

禮八十一

五

詣始祖酒罇所執罇者舉罇亞獻酌盞齊贊禮者引亞

獻進詣始祖神座前西向跪奠爵興少退西向再拜贊

禮者引亞獻以次酌獻如上儀贊禮者引亞獻詣東序

西向立諸祝各以爵酌福酒如初獻之儀

唯不

受胙又贊禮

者引終獻升獻飲福如亞獻之儀訖降復位諸祝皆進

神座前跪徹豆興還罇所贊禮者曰再拜非飲福受胙

者皆再拜贊唱者又曰再拜贊禮者進主人之左白禮

畢遂引主人出贊者引亞獻以下及子孫以次出諸祝

與執罇壘筐者俱復執事位立定贊唱者曰再拜諸祝

以下皆再拜執罇壘筐者出諸祝與奄者積神主置於

輿納於坎室如常儀

王公以下拜掃 寒食附

先期卜日如常前一日掌事者設次於塋南百步道東
 西向北上備芟剪草木之器贊禮者設主人以下位塋
 門外之東西面以北為上其日主人到次改服公服無
 者常服贊禮者曰再拜主人以下俱再拜贊禮者引主
 人以下入奉行墳塋 精靈感慕 有泣無哭 至於封樹內外環繞哀
 省三周其荆棘慮與荒草連接者皆隨卽芟剪不令火
 田得及掃除訖贊禮者引主人以下復門外位贊禮者
 再拜主人以下皆再拜贊禮者引之次遂還第若解滿
 或遠行辭墓若外官解滿或京官辭墓哭而後行其寒
 食上墓如前拜掃儀唯不占日 古者宗子去他國庶子
 無廟孔子曰許望墓而
 為壇以時祭卽今之上墓義或有憑然神道尚幽不可
 通顯塋域宜設於塋南門山門之外設淨席為位遙祭
 以時饌如平生所嗜若一塋數墓每墓各設位席昭穆
 異列以酉為上主人盥手奠爵三獻而止徹饌訖主人
 以下泣辭塋食餘饌者可於
 他處避不見墳此孝子之情

通典

卷宿三

禮八十一

三

07217



